

于山奏牘

于山奏牘卷之三

晉西河于成龍北溟父

長示部
振錄西
于山

初撫東山遣牌

為曉諭事照得本廳鎮岐四載有餘凡我士民罔不開誠
見赤相安無事至於分守鄉汛賴保無虞殲滅鼠盜藉力
協助因之偷兒遠遁狼子回心年來頗稱寧謐固本廳之
幸實士民之力也二月 覲歸詢知地方平靜不勝慶喜
及赴省署武昌辦理軍務又往咸蒲造搭浮橋仍駐蒲防
守城池雖諸務叢集未嘗一刻忘爾岐民自蒲旋省忽聞



東山作亂誠爲怪事以東山尙義之鄉胡爲有此不義之舉父母妻子立見亡滅可惜本廳數年生養一旦成灰燼也真可痛心酸鼻再三請命撫部院矜宥無知幸蒙撫部院如天之仁特允所請以開一面之網今本廳奉命來撫合先遣牌傳諭爲此牌諭東山士民知悉牌到之日速候本廳親臨投見辯明作反情由爾民素稱良善何忍背叛朝廷將本廳平昔勸諭安生理保身家等語竟置若罔聞也如數月不見竟成讐敵本廳立即回省任兵馬剿滅本廳亦不爲爾民姑息矣言出衷腸切勿朦視

諭畝間歸農告示

爲曉諭事照得劉青藜官激民變一案人心疑畏地方震驚以致該縣請兵安慰自與附近良民無涉况協府久鎮黃州禮士愛民賑荒放生一片婆心爾民共知茲統兵來撫自是紀律森嚴爾民當農忙之一刻千金惟恐驚慌遠竄致悞農業合行曉諭爲此示諭沿路居民人等知悉各宜歸家盡力南畝勿畏賊黨扳害涇渭定有分別勿懼兵丁往來軍令毫無假借如仍前遠避不惟悞自己一年之生計且有負協府平昔恤民無方用兵有律之至意

申報督撫各憲詳文

爲撫綏全賴賢能合亟遴委以安地方事本月二十二日奉撫部院憲牌前事照得麻城縣土寇劉青黎狂悖猖亂本應遣發官兵擒拿但恐無知愚民或偶被蠱惑或勢迫脅從不忍俱加誅戮特先委武昌道黃州協會同前往相機撫慰今恐小民疑畏不前查該府先任黃州駐劄岐亭廉能自持士民素所愛戴合行遴委備牌仰府照牌事理卽將發來告示十張兼程前去麻城縣各山寨地方曉諭民人急蚤悔悟如爲土賊迫脅不妨自首以贖前愆若有

力能擒拿賊首亦許自新仍加優賚倘或執迷不悟該府
諭以忠義曉以國法力爲解散事平之日本部院自有酬
庸之典斷不負該府賢勞也等因奉此成龍已於二十二
日晚自會城起程於二十四日已抵白杲的於二十五日
進東山安撫理合申報

安慰各堡告示

爲曉諭事照得本廳奉撫部院命安慰東山於本月二十
四日至白杲據徐家堡生員朱珏方士位黃金聲鄉民周
吉甫等爲恩別玉石以安人心免致流離等事呈稱本堡
士民夙係耕讀樂業平無外事禍因三四匪類附會東山
本月初十日已經解散十四日復被訛報鄉堡耆民善人
再查並無形跡十五日鄉約周美公點卯遭誣合堡皆賊
見在監禁以致善良疑畏驚散又據生員朱珏等結稱本
區除四凶附入東山外再有匪類願甘認罪又據白杲王

家水垣等五堡生員戴其進等結稱生員朱珏等俱屬良儒如有不端願甘認罪各等情已經申報撫院外各行給示安慰爲此示諭徐家堡士民知悉各歸堡內乘時務農勿得自悞生意如有挾詐讐害揚言害衆許卽稟明立刻詳院究治凡我士民切勿再生疑畏離家失業

申報徐道臺

看得狂夫倡亂則宜勦赤子弄兵則宜撫自古皆然况逼而走險嘯聚山林情有可原者乎至于嚴刑慘刻逼報良善爲賊意欲一網打盡何能免鬼神之忌古人於賊黨之中尙冀開一生路爲脅從罔治之法何今人於良善之中務期株連蔓引爲殲滅無遺之舉仁人君子安忍存是心行是法也茲據生員鄉民哀訴前來合亟請命伏乞憲臺憐念無辜遭此慘刑罹此法網速行縣釋放不惟受刑之殘喘可留旦夕之命且四境良善得免人人自危之虞否

則逼人於危畏禍偷生將有不可言者矣

申報張撫臺

看得東山之禍起於官激民變而究其根源由於縣官心神昏亂何物鄒克忠乃衣頂生鄒惺不孝不慈無仁無義縣官視爲心腹衙役倚爲爪牙此麻邑之窮兇極惡者也乘機賈禍峻官峻刑逼士民於危亡陷士民於株連將縣城紳衿槩稱通賊力脅離縣驚疑無依又云縣城之外無非賊黨贊謀遍勦以致士民號泣怨氣衝天除朱珏徐克成等呈已經申報外茲據徐阿曾李中素呈詞合亟報明伏乞憲慈迅查縣官陷害良善并鄒克忠主謀羅織情由

三山奏牘 卷三
釋放監禁夾傷平民焚毀刑板無辜供詞庶人心自安禍
端可息

東山初撫稟報

爲稟報事成龍凜奉憲命于本月二十七日單騎進山劉
青藜之父劉起禎帶鎗手三百餘權躍投見成龍曉諭以
憲恩不忍加誅安慰解散天地父母之至意啓禎跪泣衆
寇崩角稽首感頌憲德已經就撫然山愚無知尤恐事後
加誅意外就戮環泣始終赦宥成龍仰體憲慈已許轉達
矜全伏乞憲恩迅賞矜宥保全告示以弘不殺之仁聞山
中尙有數孽祈諭啓禎盡行招撫無留遺種商城英山匪
類隄防入境藏匿倘有疎虞應將啓禎前罪俱發目前安

撫必須解散解散必須安插乞速撤黃協兵回汛勅守憲
暫駐以便安插以釋疑畏仍勅麻城縣將監禁疑獄查報
釋放已逐紳衿曉諭進城勿再偏聽誅求以安地方成龍
必俟山黨肅清安置妥當方敢旋省但報文苦無驛馬傳
遞多稽時日乞憲差星夜馳送告示諭帖可蚤結此局成
龍可免稽滯日久文案堆積之慮矣

張撫臺復書

日來招撫之事若何旣撫之後安插尤須停妥若安
插未妥則前功盡置于無用矣程鎮邦舊係東山頭

領今聞在黃岡山寨中彼有伊子程鵬舉一案恐懼
不出必負固山隅如可擒則令劉啓禎等擒之不則
亦令啓禎招彼率衆來歸近屢奉

上諭原許從逆之衆反邪歸正如果有功不獨待以不
死已也幸親翁密圖之備佈不一

申報張撫臺

東山安撫一案五月二十七日就緒本日差役飛報候命
安插值 禁旅路經麻城四境鄉民又驚避一空成龍係
地方安危隻身駐居白杲經過將軍嗔責藉伊兵威竊取
成功嚴聲厲色問賊在何處我們去殺成龍不敢遜安撫
在先兵到在後何為藉威已經安撫何為又殺將軍愈怒
既有本事何不殺吳三桂去成龍回稱原不曾帶領兵馬
亦曾收復蒲圻將軍言我不是與你爭功成龍稱與朝
廷辦事夫有何功將軍問成龍鄉貫忿然而往成龍無端

受其凌辱竊思成龍年近六旬鬚髮皓白耳聾眼花自筮
仕粵西由蜀至楚離別妻子隻身奔走十三年磨苦已極
功名念灰近因地方多事不敢規避前受知於總憲新寵
於憲臺知無不爲事無不任風雨寒濕艱辛備嘗止圖報
憲恩於萬一也實無邀功求進之念無如時事多艱大將
領兵咸以嗜利攘功爲心毫無推賢讓能之德成龍下吏
秉性愚直實難安位伏乞憲恩早定東山成龍星馳旋省
陳情乞休合先報明

諭東山士民樂業示

爲曉諭事照得本廳鎮岐四載自媿教養無能然誠信不
欺爾士民知之有素茲東山不靖赤子弄兵撫部院好生
爲心不忍加誅特命守憲徐總府王統兵撫慰又虞爾山
中士民疑畏不前因本廳平昔爲爾士民所信旋委前來
曉以忠義諭以國法力爲解散以是奉命馳臨本月二十
七日單騎進山爾士民果釋疑畏撤旗奔獻環呼懽躍申
訴冤抑辯明陷害除詳報撫部院給示安慰外合先曉諭
爲此示諭東山士民知悉旣傾心就撫宜實意安生履毛

踐土無非

皇恩鑿井耕田當圖報効卽司牧有一行之乖方然天下無不是之父母嘯聚雖稱避禍弄兵豈爲良民繩以國法剿滅何辭幸撫憲有力爲解散之諭恩侔天地本廳有力爲請命之誓炳若日星凡我士民允釋疑二歸寧父母各安身家僻處山隅南北之兵戈不到游優田里婦子之嬉笑自如何等快活何等受用永革一時邪念共享山中太平本廳千言萬語無非爲爾父母妻子各宜書紳永佩不忘

張撫臺來書

親翁此行能不負不佞愛惜麻民之意爲之喜而不寐此時惟推好生之心以荅

上帝守如保之念以全小民何頑梗之不可輸誠何強梁之不可感化劉啓禎旣率衆投誠自當令其仍安耕鑿倘能招致他寨強頑一體歸誠尤當加以優獎决不食言也至鳥鎗軍器作何收繳給價倘有吳逆散割之人作何縛獻其脅從之衆解散之後安插何處目今漢陽業已增兵黃協亦請添兵額應否可令入伍或仍編入各里甲俱煩一一斟酌得宜行之招

撫之議旣成黃協自可回黃惟留一守備駐麻此非
疑麻民猶有反側蓋麻城地界二省向欲添設守備
駐防此不佞之初意非自今日始也諸凡就緒之後
方可回省發去告示十道可卽張掛曉諭二十八日
接到詳驗已批行守道矣二十九日接到來文俱一
一照行惟二十四日報文何尙未至耶幸查之耑勒

申詳張撫臺各憲

成龍凜遵星馳於五月二十四日至白杲駐扎離賊窠十
五里寂無人烟已經報明在案本月二十七日單騎進山
劉青藜之父劉啓禎帶鳥鎗三百餘名懽躍投見成龍曉
諭以撫部院不忍加誅安慰解散天地父母之至意啓禎
跪泣衆寇崩角稽首咸願就撫成龍隨卽申報六月初一
日奉憲牌恩允矜宥給示安慰復遵發示曉諭本月初三
日劉啓禎率衆來白杲獻傾心向化旗一面赴守憲投誠
賞賚勸諭衆皆悅歸又奉撫部院諭劉啓禎旣率衆投歸

子山奏牒 卷三
倘能招致他寨強頑一體歸誠尤當加以優獎守憲仰體
德意特委劉啓禎執牌向各寨宣諭招撫于本月初七日
啓禎招鮑洪功陳恢恢李公茂等率衆來白杲獻安家樂
業旗一面赴守憲投誠各賞賚勸諭給照牌告示護身寧
家衆皆悅歸東山已靖撫事已竣伏乞批示回省

張撫臺復書

劉啓禎傾心向化具見親翁善於招徠但未投誠人
等應逐一招撫毋令臥榻之側猶有他人鼾睡也至
啓禎招撫有功可否令其轅門効用當以戎旗守備

待之各烏鎗手作何安插尤當得所可否令其入伍
目今漢陽營已奉文召兵黃州協亦添設麻城羅田
守備業經 題請增兵六百名而不佞撫標亦見需
人倘入撫標其中果有雄武之士當拔置材官干把
之列蓋投誠之衆恒苦其反側未安須以至誠待之
令彼易於輸心向化則地方自可無事耳投誠盡至
則黃協方可撤兵鄉紳盡歸則小民自然樂業諸凡
事宜總煩親翁措置妥當與守道商酌行之發去賞
賚各物幸同守道散給各頭目以示投醪之意投誠

事竣可敘安詳不佞當以親翁招撫之功 題請優敘也端佈不一

招撫後諭東山告示

爲晚諭事照得本府前駐岐鎮頗與士民無忤近因東山作難撫部院遴委勸慰今爾士民相安無事本府應歸省復命合行曉諭爲此示諭東山士民知悉本府於本月某日由白杲暫駐岐鎮爾等須念撫部院生全之德堪侔天地至誠之心可格豚魚凡有血氣誰無知覺父母妻子朝夕歡聚誰歡聚之也雞犬桑麻優游恬熙誰恬熙之也婦子無山棲日暴之苦壯丁無瞭高守隘之累無畏乎兵戈而免負銃帶火之艱無憂乎捕役而獲薙棉鋤豆之樂夫

妻安枕而夜半可以不驚親友往來而株連可以無慮此
恩此德今生今世何以報撫部院之萬一也自示之後各
安生理永革邪念食新在卽秋收不遠山中正好避兵愚
民豈堪將相一念之錯皆由訛言之誤回心之早卽是終
身之福耕田當差勿藉口禁捕而併阻乎官役安下敬上
勿藉口激變而兼撓乎王法 朝廷設官治民一定之體
有司差役勾攝不易之法從今循理守分自無恐懼憂患
命由天定禍自人作思之慎之

招撫事竣慰東山士民示

爲曉諭事照得東山官激民變一案撫部院好生爲念不
忍加誅夙知守憲徐慈祥素著副府王老成持重特命撫
慰又虞山中士民疑畏不前因本府昔駐岐鎮頗爲爾信
愛遴委安撫於五月十七日單騎進山士民果釋疑畏劉
青藜之父率衆歡迎泣訴冤害六月初三日出山赴守憲
行署傾心向化仍宣布院道德意鮑洪功陳恢恢李公茂
相繼悅歸辯明前愆咸願安家樂業蒙撫部院矜念無知
槩加恩宥守憲遍給照示嚴禁毒捕仇家株連捏害多方

生全弄兵赤子安帖無驚合行曉諭爲此示諭東山內外
人等知悉亂民已靖官兵已撤凡爾原未脅從士民可無
逼脅之慮亦無玉石之憂毒捕不敢肆虐仇家不敢捏害
各安厥居共享山中太平布告遠邇咸使聞知

張撫臺來書

麻城一案先經具

題今既招撫應將招撫緣由備

敘妥詳以便

題報目今地方多故之際早爲上

聞亦足慰

朝廷宵旰之憂也竚切竚切

報早呈張撫臺

看得麻邑連年荒旱民不聊生今歲春麥傷於霪雨尙望
蚤晚二稻以贍人口無如霪雨之後繼以亢旱可惜蚤稻
將成晚稻正茂值此烈日如焚池乾川竭禾焦人情驚惶
夫當山逆甫戢人心甫定之時何堪增此災厲也早實太
甚地方安危所繫合據呈詳報

祈雨示

爲禁約事照得本府奉院安撫東山目覩禾苗茂盛爲斯民慶茲二十日來雨澤漸施已秀之苗待以垂成未秀之苗待以滋生愚民桔水相與爭競祈雨溥施勢不容緩合行禁約爲此示諭士民人等知悉除詳院清理監獄外爾士民各宜齋戒不許屠沽仰冀天恩速降甘霖成此豐年

又安慰士民示

爲曉諭事照得東山官激民變一案本廳奉院道憲委駐扎白杲單騎進山曉以忠義諭以國法力爲解散山中士民泣訴冤害畏禍聚集情願歸家安業已於本月初三日劉青藜之父投見守憲特賜袍帽歡躍歸家現今守憲駕臨白杲開誠布赤布告士民凡有一切身被逼害或以舊事吹求或以親友波及情實可憫合行曉諭爲此示諭東山中外士民知悉監禁冤誣俱已釋放被俘良善半已昭雪衆所共知捕緝尙未銷案疑畏不能帖息因山路隔絕

毒捕碁布冤情阻於上達驚惶無所依歸示到之日或星
馳申訴執示護身務各安厥居萬勿仍前疑懼聚衆失業
至於喜亂奸宄多屬遊手好閑之徒逃匿亡命之流原無
身家可慮且有罪案未結好爲訛傳以驚亂人心苟全已
命凡我士民咸有父母妻子產業身家縱有株連尙存公
論一辯自明切勿爲彼輩所愚也

張撫臺來書

前浮橋一案因准將軍咨移不得不爲 題叅詎意
部議處分太過但親翁賢聲素著不佞自卽 題留

以孚輿論况重以麻城安撫之功乎惟勉力竣事可
也端此附佈不一

論各屬隣境示

爲曉諭事照得撫院發示安慰百姓凡東山相連一帶地方山寨嘯聚人等俱在一視同仁之內不止爲麻城一縣也或黃岡羅田等處有願領示者開明某縣某處以便填註示尾給發收照

申報徐道臺

查看得本年五月二十二日奉巡撫部院憲牌爲撫綏全賴賢能合亟遴委以安地方事等因奉此成龍凜遵於本月二十四日至麻城白杲鎮離賊巢十五里駐劄居民俱已驚避山中土寇聞憲臺會同協鎮領兵先至撫勦各帖息待命成龍諭以撫部院不忍加誅至意張掛告示仍宣布憲慈祥愷協鎮兵威劉青藜之父劉啓禎畏威懷德於六月初三日率衆青藜等出山獻傾心向化旗一面赴憲臺投誠蒙賞賚有差遍給照示歸籍寧家蒙憲牌委劉啓

二山奏牘 卷三
禎招撫山中餘孽鮑洪功陳恢恢于六月初七日啓禎招
鮑洪功陳恢恢李公茂等率衆出山獻安家樂業旗一面
赴憲臺投誠又蒙賞賚有差仍給照示歸籍寧家俱經節
次報明撫部院允行招撫安撫歸農在案又六月初八日
據黃岡縣程鎮邦爲援例安撫恩釋株連以廣聖化等事
本月初九日詳報撫部院蒙憲批查程鎮邦果不知情應
准援例安撫本月十二日憲牌知照在案本月十七日劉
啓禎領程鎮邦赴憲臺投誠亦蒙賞賚十八日委河泊所
景可賢府差左先護送鎮邦赴省投叩撫部院求賜發落
結在案今奉確查合逐一據實詳報

張撫臺來書

程鎮邦一詳已批行徐道矣輸誠投見卽屬良民况
原有知情不知情之別可速招之出山自可無罪毋
貽後悔也黃梅二賊曾得其人否幸留神聞各鳥鎗
手俱肯入伍食糧如果有此事幸與徐道速商此輩
出山則麻民可以高枕而彼得効用行間又可資其
材力此兩得之道也諸凡安插招撫事宜知親翁自

能措置停妥毋俟不佞之再囑也麻城事竣當爲備
敘勞績不獨開復浮橋一案已也功名二字雖賢者
原不以之動懷然不佞緇衣之好自不能泯沒耳

委護程宦牌

爲撫綏全賴等事照得本府奉撫部院牌委安撫東山已
經安撫報明在案所有程鎮邦援例赴府乞撫具文詳報
撫院已蒙批准援例安撫合行投見爲此牌仰河泊景可
賢差役左先護送程鎮邦前去會城投見撫部院守候回
文沿途毋得稽延時日致于取咎未便

張撫臺來書

浮橋一案當卽請復幸勿以此思賦歸來也程鎮
邦至省其家屬已取保發領以信招徠今仍令赴親

翁處倘能將黃金龍梅公素及黃日昇令彼設計擒
拿將來尙可爲之敘其功能也又孫調元及散僞劄
諸人俱須留神密訪奸人盡得則民心自安此尤安
插事宜之要緊者也希佈不一

行保甲示

爲嚴保甲以靖地方事照得東山向化士民安業本府親
履田畝編立保甲稽查匪類勸勉爲善惟恐遊手好閑之
徒兇逆亡命之流不遵本府勸諭且憾山中就撫心懷叵
測匿名山間流禍地方潛行不軌勒良從逆一以壞安撫
之實一以貽良善之憂深可痛恨爲此牌仰知悉如有匪
類速勸投見倘執迷不悟脅良作亂凡我士民嚴行保甲
協力擒解或殲滅報功本府申詳院道厚加獎賞以勵忠
義以靖地方切不可藉端報復讐害無辜不惟有負本府

撫輯民人清靖地方至意且以犯神人之忌不淺矣

招撫事竣詳張撫臺

看得劉啓禎卽劉君孚而劉青藜乃啓禎之姪自幼喪父啓禎養爲己子在東山曹家河區內禍緣夏寅生李攀龍爲僞劄一案忽被拿解人心已屬驚疑該縣未出示曉諭而捕役藉端恐嚇凡東山一帶舊日招撫遺民并訛傳劄內姓名及貿易歸家商賈形涉疑似人人有莫保之勢而徐家堡劉公先李君聖方燕及談召賢疑畏入山鄉保報明該縣委耆老安慰已經解釋陡於五月十五日魯家台鄉約魯象美徐家堡鄉約周美公曹家河鄉約李祥陳家

集鄉約徐克承赴縣點卯該縣輕聽人言將周美公等硬
夾取供仍行監禁至於楊楚喬係劉青藜十二年當差頭
之保戶因差銀角口用刑成招並無報呈奸細緣由周美
公等泣訴有據而劉君孚聞風嘯聚脅衆弄兵鮑洪公陳
恢恢李子茂亦以捕嚇嚮應山中震驚縣治戒嚴幾於燎
原此起釁之由而該縣請兵鎮勦之所從來也成龍于五
月二十二日奉撫部院遴委安撫二十七日進山曉諭六
月初三日劉啓禎率衆出山獻傾心向化旗一面赴守憲
投誠賞賚有差給照票安插而劉公先李君聖方燕及談
召賢均在安插寧家之內劉青藜主張在父非別有事端
脅從劉元兒鄒先甫均已解散本月初四日報明撫部院
發示宥罪安慰在案劉啓禎蒙守憲牌委招撫山中餘孽
本月初七日啓禎招鮑洪功陳恢恢李子茂率衆出山獻
安家樂業旗一面赴守憲投誠賞賚有差給照票安插本
月初七日報明督撫部院照例宥罪安慰在案本月初八
日奉督撫部院爲撫綏全賴賢能等事牌仰卽將發來告
示特諭各士民凡被劉逆煽從黨羽或令徑行解散或令
隨該府赴道協投明歸農一槩不得株連慎勿任其執迷

不悛慘遭殺戮累辱父母妻子有負本部院軫恤至意等因奉此遵依發示曉諭士民凡煽從黨羽有徑行解散者有赴憲領票歸農者咸體督撫部院軫恤至意在案再查該縣飛報叛形案內開周美公供稱方韶友在雲南來散劉付藏於劉君孚家自招撫之後遍查無方韶友踪跡藏劉亦無的據李祥瑞供稱雲南二人不知姓名送劉付與劉君孚劉青藜邵君弼查邵君弼年老並未倡亂而雲南二人不知姓名涉於風影徐克承供稱郭輝之在君孚家行走叫小的探報信息查徐克承係陳家集鄉約在東山

之外離曹家河三十餘里郭輝之何由囑其探信也且曹家河鄉約李祥瑞亦赴縣點卯何信不可探而囑徐克承焉如疑點卯鄉約爲奸細則無人不可疑矣又六月十七日劉啓禎領程鎮邦出山赴守憲投誠十九日護送赴省投叩撫部院求賜發落本月二十四日奉批已據守道詳批發臬司將所繫家口取保候給在案緣係安撫事宜合逐一據實詳報

張撫臺復書

東山招撫全屬親翁勞績今徐守道交代在即則善

後事宜尤在親翁獨力成之矣頃聞木樨二里河又有嘯聚之事不知果否想大隊既已招撫此小醜自易爲平定也惟留神不一

善後事宜情形上張撫臺

成龍奉嚴命酌行善後之法焦心勞思採訪山中地勢路徑隘口已有成局大約良民居多而頑民有數編以保甲諭以利害各有互保身家之心成龍擇殷實良善舉爲區長聯絡守禦家自爲守人自爲戰料宵小不能出其範圍木樨河現委夏鼎安夏正宗夏柳宗丁貴卿丁吉生等彈壓夏族人丁有二百餘前倡亂之時立志不變已與逆爲讐用之此路可保無虞二里河果有李公茂先撫不知名姓因劉啓禎未行招撫氣激嘯聚本月十八日啓禎聞風

往慰十九日報信安息且此地有鄉耆田初陽二男俱係青衿啓禎未往慰之先因公茂作孽曾設相鬪之勢公茂氣餒嗣啓禎往慰而止李公茂卽李攀龍之叔攀龍在監可以挾制其心目前委田初陽爲區長以樹其敵且有東義洲區長鄭君佩等殷家園區長商克繩等落梅河區長張在如等南庄區長金鼎黃等木子店區長童瑞之等俱巨族富室爲之聲援此逆已在籠中但因啓禎往慰姑開一面茲奉憲諭亦必令出山申誠以懲將來十九日據劉啓禎密稟稱外縣竟有不軌之徒私來殺禎不忿招撫似

此人心不體 朝廷德意非勦不能靖祈發四張密票給余公進夏仲昆袁興明督烟民堵截關口要路布揚聲勢自然奪魄至於山中李公茂已經解散禎大膽承任凡事不煩過慮尙有潘家塘大盜馬歪嘴乘釁劫擄人家禎欲處死不卜肯發令否成龍時在麻城當夜密差飛遞硃票相機擒殲數日尙無動靜今麻城附近東山內外編甲已就紳衿和好成龍刻期仍赴杲鎮布置山中有黃寅生並無黃日昇守道甚得人心雖交代在卽尙宜欸留善後局面已定可計日以待成龍年邁力疲不善飲食強勉辦事

以報憲恩之萬一仰祈洪慈俯念成龍奔走之苦委員接
署生死感激倘有可効力之處決不以官之去留異心也
天時亢旱二穀枯槁人情洶洶各並稟報中

張撫臺復書

接未翰具悉尊意但疆圉多事正藉賢刺史善爲撫
馭以恤殘黎不佞行卽繕疏題留矣幸親翁盡瘁

王事勉抑私情其東山善後事宜尤望留意率復

不一

禁止嚇詐就撫士民示

爲曉諭事照得東山就撫守憲勸賞給撫部院告示安插
遠近咸知但其中有鄰封愚民附和入山旣撫之後願各
歸本地安業恐鄉保地棍衙蠹惡捕藉口稽查恐嚇索詐
將歸業好意反致失所殊非院道安撫之意合行曉諭爲
此示諭本地士民人等知悉查本人歸家驗明守道給票
并告示卽善爲安插如有諸色人等藉端嚇詐除本人稟
究外鄉保卽刻指名呈報以憑報道申院拏解正法倘通
同作弊或縱容肆害事犯之日鄉保均難姑宥

首可以免罪若觀望不前則此會一失投首無門山中終
非遁逃匿奸之地後悔何及思之思之

張撫臺來書

浮橋一案不佞見在繕疏開復親翁可毋煩縈念幸
將麻事竣局之後方回鄂渚可耳又不佞近日將玩
法承差頭黃日昇責革之後聞彼亦逃在東山一帶
煩密查之黃副將已赴省矣備述賢勞殊爲欣溯端
佈不一

將駐西北鄉告示

爲曉諭事照得麻邑東山雖有激變不過數區已經安撫
西南北一帶地方原未萌動何須疑慮除將生員劉廣定
等公呈詳院通行外合先曉諭釋爾暫時疑畏之心堅爾
原未萌動之志本府鎮岐數載與爾士民深相孚信詰誠
之言奚啻再三今當風鶴時聞恐爾愚民不能堅持終遭
煽惑面諭生員吳之鄒劉廣定等逐區勉勵擇立戶首垣
主清查匪類作好出入則守望相助有警卽堅壁却敵子
弟率父母訓迪不爲逆子百姓聽官長命令乃是良民早

完應出之糧莫作非爲之事絃誦咏歌士安土業耕田鑿井民樂民生爾等士民果能照前安分互相保全或出力防禦料理地方確有成規本生彙單報府詳憲獎賞如地方有宵小之人不事生理或出入不常結盟結黨偽造訛言恐嚇良善不聽戶首垣主勸戒以及捕役差人串通鄉保指官詐騙並不肖之徒借勢招搖嚇人錢財者均應呈報就近官長立拿究罪本府千言萬語無非欲爾等邪念不生身家永保不負本府叮嚀勸諭之言斷無日後羅織株連之禍思之慎之

保甲事竣再行申飭示

爲嚴行保甲以靖地方事照得麻城東山撫勦咸輯士民向化本府駐麻時已經親履垣區編立保甲稽查匪類勸勉爲善日無寧晷心未刻閒雖有成規惟恐本府離麻之後人心渙散無有聯屬特委各方總堡督領垣主戶首分任勤勞逐戶清查倘有流亡兇逆之輩遊手好閑之徒不遵本府勸諭不聽保長約束心懷叵測爲害地方潛行不究煽惑我民以壞安撫之實以貽良善之憂深可痛恨爾西南北一帶山勢不甚險峻士民原無異心但地連兩界

路通光黃必須稽察嚴密永保地方無異心且此數兩
天融恩殊月以樂安無之實以頌其善之憂對百蘇別
本以備備不難於尋條束心對可既為害此式都行不
到備勞夜氣高而前自前之重哉手快開之武不
對人心與精無存而風神委各式蘇益符既主可首
或然善日無寧心未敢間擬存其思對恐本報轉和之
向非本報德風中已餘備風世到縣之於甲督查對及
然想行利甲以對此六
利甲車對再行申通示

申飭區堡告示

為曉諭事照得設堡長戶首原為清理保甲稽查匪類若
不徹底清查顧惜情面大非借重之意嗣後凡屬領牌堡
甲所轄區分戶首烟民務要遵依憲行保甲之法聽信堡
長教戒為此示仰領委堡長及區內人等知悉作速稽查
匪類盜賊教率子弟驅除強暴防守要路勿使容隱不究
縱放逃僕一家有警隣里協力救護一方有警隣堡同心
堵勦爾等宜各以身家性命為重今日本府拳拳委託再
三叮嚀總欲爾等共享太平無事之福也本府更有囑者

心本府倚爲左右手陳恢恢屢次謁見毫無芥蒂鮑洪功
夜行歌舞李子茂名雖掛於招撫實無預於激變皆爾士
民耳聞目見山中復有何疑本府難於久駐的於某日回
省復命合行曉諭爲此示諭山中人民知悉嗣後各安生
理共享豐年須念該縣撫後復叛之文爾等誰無良心應
與本府爭氣勿使其言效驗爲所恥笑本府駐武昌相隔
不遠凡事可速稟報其餘人民安家樂業勿再爲訛言蠱
惑致生驚擾

給鄒家河告示

爲曉諭事照得東山已靖本府編立保甲期於善後今聞
黃麻交界尙有匪類夜聚曉散殊非本府安撫之意合行
曉諭爲此示諭鄒家河鄉約人民知悉卽同鄒魯章吳錫
予與鄒美公會議作速安撫出山勿使鼠伏疑畏魯章等
受本府倚重自宜竭力殫慮保全地方

勸諭士民告示

爲獎勸忠義良善以靖地方事照得東山作難止因被誣
士民嘯聚將附近居民逼脅入黨哀哉耆年父老曾經兵
戈之慘曾罹流亡之苦萬死一生留此殘喘撫兒孫而心
酸覩田宅而魂銷又有衣冠子弟身受朝廷恩榮顧惜
祖宗門第禮義廉恥不忍棄絕中夜徬徨莫知所措父母
妻子環聚而歔歔泣下又有種田農夫賦性愚樸十數年
來耳不聞金革之聲目不覩旌旗之色止知終歲勤動納
糧之外積儲粟豆花布茅屋之中畜養鷄鴨猪犬稍有餘

裕買牛生犢便稱山中富翁聞此警息捶胸踢足件件難
捨又有商賈之流或係已資或係借貸拋妻別子經營江
湖折本羞見故鄉倘有生意歸家修理房屋治買衣服桌
椅器皿好爲精緻婢女僕兒好爲役使忽聽無端啓釁顧
惜從前辛苦棄之不忍守之難保痛哭流涕天日昏慘凡
此士民情狀堪憐因之族微勢寡者含淚棄家遠避他鄉
苟全性命筮筮無依族大勢重者糾合同姓異姓督修堡
垣器械能自守衛決不苟且從黨此等苦情壅於上聞在
爾等各爲身家性命在朝廷便是忠義良善若不獎勸

何以勵後合行給示獎勵爲此示諭東山士民知悉爾等
自能守衛者忠義可嘉望風遠避者良善堪憫自今伊始
潢池赤子俱是一家各宜安心樂業共享山中太平本府
更有囑焉值此多事之時不無一二姦民引誘後生徼倖
功名殊不思耕田鑿井之民豈慣爲披甲荷戈之事本府
曾有訓言山中正好避兵農民豈堪將相古語有云一將
功成萬骨枯這事豈是容易做的嗣後須嚴行保甲責成
戶長稽查詐僞勤約子弟勿留禍害之種勿蹈危亡之轍
慎終如始以靖地方

遣牌知會

爲知會事照得本府奉院道委撫東山已經安戢的於本
月某日自白杲前往岐鎮所有招募鎗手帶領旋省復命
其日用飯食俱係本府自備凡經過地方毋得驚慌合行
遣牌知會爲此牌仰沿途人等知悉照常安堵毋得畏避

張撫臺來書

麻城一案藉有成功皆親翁感孚之所致也徐親翁
帶來烏鎗手五十名已發漢陽入伍矣其餘鎗手可
卽招至所有給與鎗價安家之費俟具題時俱當

題敘捐助之數以不泯賢勞至山中聞有李家集堵姓
係湖南逆賊遣來之人及黃金龍梅公素黃日昇等
尤望速爲緝獲以消萌孽切切希佈不一

勸諭告示

爲曉諭事照得唐殿一區已委生員何邦綏料理保甲事
務但何邦綏未受委托之先有密報曾伯田官述明生員
何見子等多人結盟雖有此報未經行查頃邦綏來望花
山面稟本府云伯田等已悔過自新見領本堡鄉勇四十
名助生員劉啓禎扎營於沙家廟不但前過可贖而此刻
之急義奉公情更可喜爲此示仰生員何邦綏前往唐殿
一帶一一勸諭俾知犯上作亂之事必不可爲盡回心向
化本府何樂如之

開印申飭告示

爲申飭防禦以固地方事照得本府新奉督撫兩憲會疏
補授黃郡撫綏人民全賴賢有司相助爲理以匡不逮本
府凜遵憲檄夙夜匪懈原爲爾民安生樂業之長策寢食
未安惟恐有負上意茲于七月二十五日在麻屬望花山
舖開印視事矣合行飭知爲此示府屬官民人等知悉嗣
後各體本府愛民至意大家齊心固守清查保甲如有面
生及人聲音互異立刻驅逐境外務使兵民協和城守事
宜照依往例多撥人役嚴加守禦盤詰奸宄以靖地方該

巡捕員役毋得疎玩取咎未便

于山奏牘卷之三

終

于山奏牘卷之四

晉西河于成龍北溟父著

進勦紙棚河逆賊鄒君升等委牌

爲進勦事照得逆賊鄒君升招納流盜叛僕擾害附近良民本府出示招撫冀其悔罪來歸詎意狂悖長惡執迷不悟已經申報撫部院在案今同戎府票催各鄉義勇聞聲響應慕義子來所有兵衆合行委任總統以便整飭勉勵爲此牌仰某督率分隊編伍務要合力進攻不許臨陣退縮功成之日飛報督撫部院照功題敘紀錄優獎

張撫臺復書

麻民既已安堵而又有鄒君升等倡叛梗化斷難再
事姑息之仁以長其奸也楊克利自當正法一面仍
聯絡鄉勇相機堵剿毋令滋蔓致費收拾惟速圖之
可耳

曉諭各屬告示

爲曉諭事照得黃岡縣李家集叛逆方公孝等肆行劫掠
又敢倡亂誘聚逃僕成羣入山以老賊鄒君升爲首本府
會同戎府駐扎望花山於本月二十四日據鄒家河鄉約
鄒益能拿獲賊一名楊克利烏鎗一桿解來梟首懸掛麻
城縣示衆又追獲烏鎗一杆弓一張箭十枝賞銀二兩紅
三疋二十五日據龍王墩區長王方遠報稱拿獲賊一名
方公孝賞銀二兩紅二疋隨差役陳貴眼同彼地鄉保梟
首懸掛李家集示衆本日委生員吳之鄒等領鄉勇一百

五十七名入山進勦老賊鄒君升離窠流遁所有黃岡縣永寧鄉羅田縣茅田畝圻水縣上窰等處俱係連界宜各區小心隄防如遇賊到協力堵殺報功行賞以保身家以靖地方除申報院司道外合行曉諭爲此示諭該縣士民人等知悉本府同戎府會集鄉勇入山進勦鼠賊流遁誠恐潛入該縣地方貽害平民該縣傳諭各區士民齊心協力堵殺報功勿令兔脫以留禍根各爲身家性命切勿疎忽慎之

宣慰招撫諸賊告示

爲曉諭事照得本府奉撫部院安撫東山費盡苦心推誠置腹劉君孚信之最真陳恢恢在沙廟相見甚是爽利恨見之晚不料鄒君升爲盜僕逼脅君孚仗義進勦本府因之會集鄉勇協力相助申報各憲以劉君孚陳恢恢爲勦主四境告示昭然耳目且恢恢與衆紳士陪本府每夜飲酒情意浹洽何物畜生輒布浮言離間我同心本府年近六旬離家一十四載止帶二僕孤身萬里一片實心惟欲保全百姓駐岐數年一舉一動士民咸知非爲功名起見

茲恢恢見疑本府使心跡未明殊切憤恨望君孚作速傳
諭恢恢見亮此心無異若懷狐疑將以禽獸待本府也本
府焦勞招撫精力疲竭久思回籍何可久戀官職爲人所
疑忌如本府不以實意待恢恢天地鬼神速加誅殛

布告紙棚河大捷告示

爲布告大捷事照得逆賊鄒君升招納逃僕流盜嘯聚紙
棚河妄行倡亂擾害地方本府於七月二十二夜星馳望
花山預與劉君孚會議命夏仲昆余公晉伏鄉勇於布袋
坳仍同戎府調各區堡長督率義勇於二十五日進勦直
擣賊窠望風奔潰至二十六日夏仲昆等於項家廟生擒
賊頭鄒君升斬首四十餘級竝俘餘賊殲滅無遺爲此示
諭知悉凡屬脅從各宜自惜性命火速投誠慎勿疑畏捷
音所到咸使聞知

委犒鄉勇銀兩牌

本月初一日蒙撫部院諭承差楊文昌賚銀一百兩犒賞鄉勇特委送銀六十兩分給鄉勇以昭撫部院德意仍具稟收以憑復命

至二十六日夏州呈報外原家神主前
同大報賜各國聖旨率送自於二十正日
蘇山所獲隱家子會請命夏州呈余公晉封
亦所文計前所計此大亦報外於二十二
亦所文計前所計此大亦報外於二十二
亦所文計前所計此大亦報外於二十二

曉諭止殺告示

為曉諭事照得逆賊鄒君升黃金龍俱已授首餘賊擒斬甚眾其有一二未盡難以悉誅如必槩行殺戮不獨非本府不忍之意誠恐傷天地好生之心為此示諭紙棚河內外一帶區堡人等知悉自今以後凡屬藏匿餘黨聽其自來投誠不許入山搜索是叛僕歸主引見是盜賊歸營為兵本府自能安置已經止殺初二日以後擅殺者坐罪擒來者無賞本府一言既出永不反悔

來亦無負本孤一言相出亦不致欺

其本孤所望於爾等也

來亦無負本孤一言相出亦不致欺

其本孤所望於爾等也

來亦無負本孤一言相出亦不致欺

其本孤所望於爾等也

來亦無負本孤一言相出亦不致欺

其本孤所望於爾等也

勸諭餘賊投誠告示

爲曉諭事照得賊首鄒君升鳩集大盜叛僕勾引逃賊黃
金龍恃險負嵎復肆擾亂今君升金龍就擒并其黨俱已
斬訖但念從賊餘人或被迫脅勢難保全本府不忍盡殺
爾等宜各求生與其逃竄饑餓死於山林不如父母妻子
安其家室況已殺者罪止其身則來歸者應免其罪合行
曉諭爲此示諭山中人等知悉務宜體本府萬不得已之
心無論盜是僕速速來歸能自投見者不殺被人拿獻
者必誅斷不失信若能向化投誠改惡爲善仍是吾民切

勿藏匿山谷終爲兵民拿獲報功請賞自取殺戮本府不
殺之心天日可矢爾等亟勿疑畏有負本府惓惓保全爾
等至意

申覆張撫臺

八月初一日蒙恩諭承差楊大昌領公文一角指授方略
頒賜銀一百兩賞勵鄉勇成龍跪領遵行卽從公給發另
行取領申繳茅山中之賊聞鄉勇進山膽怯宵遁四面圍
擊勦滅驚逃擒戮殆盡七月二十九日晚拿綁黃金龍等
五名至望花山恐有他虞當晚斬首八月初一日早差左
先解黃金龍首級飛報鄒君升已獲尚未解到其投誠婦
女器械嗣容冊報送劄逆賊復爲漏網現在四面搜拿梅
公素另匿一方遵依捕緝合先報明伏乞憲鑒

撤鄉勇凱旋牌

爲傳諭事照得鄒君升等旣已擒斬餘黨竄走卽有一二鼠賊藏匿巖穴見鄉勇未經掣回自然畏怯不出且將領兵丁辛勞日久本府心切不安理合調還記功領賞特令飛諭卽刻凱旋

禁止侵占告示

爲清查逆賊婦女田地以杜侵占事照得鄒君升造孽禍及愚民擒斬法所難宥進勦之日曾有竝不株連婦女之誓今勦撫已竣惟恐已勦者婦女田地被人侵占至於安撫原由本府實心又恐無良心之徒藉口引見免死或邀求婦女田地本犯免死心切無不依從亦未可知合亟清查爲此仰鄒益能尹良才等知悉作速從公清查如已死何人有無婦女田地若有婦女應給何人收養田地應給何人耕種有無破人家口至安撫何人有無婦女田地若

有婦女田地本犯出具經管甘結或被人逼脅侵占作速
申寃立刻追還勿生疑畏本府既不殺爾身又何忍破爾
家地方人等各體天理良心勿得恃強欺壓已撫之衆以
致畏懼不敢明言私占婦女田地果有此等事情亦自有
妻離子散報應萬勿視爲誕言

申解賊首報張撫臺

爲稟報事竊照鄒君升招納亡命盤聚山中脅良助亂於
七月二十一日據左先着孟生飛報成龍當晚由岐亭至
望花山離賊窠二十里二十二日與同行生員劉廣定鄭
丹董建梅鈿李中素武舉李大謀魯試陶之琇候選千總
劉先定竝鄉紳蔡得春貢生吳晉爵生員程士極戴宗禮
計議勦撫咸以勦爲定局值劉君孚稟稱不宜再撫衆議
僉同二十三日同佟同知一面委鄧家山尹公才鄒家河
鄒益能聽貢生鄒世美從中調度把守賊出入隘口一面

委生員蕭命福蕭士蒸調潘家塘鄉勇一百五十名於二十四日齊集白杲武童董錫卽董魯庵董天祿卽董遂生領鄉勇協助劉君孚着生員劉自然卽劉青藜領鄉兵二百名堵寒坡岔夏仲昆余公俊領鄉兵四百名埋伏布袋坳唐殿袁興明何見子等領鄉兵三百名堵截塔兒崗劉以延周伯卜等領鄉兵二百名堵截腦中山馬安堡鄉保羅甸臣生員林斗文堵截糧路仍會大岐山僧貫識同鄉勇埋伏賊窠山後一面委王方遠余仲信陳玉環把守賊出山隘口又宋埠生員施之瑞領鄉勇協助布置停當於

二十五日委生員吳之鄒貢生龔相旦領衆進勦駐劄鄒家河賊聞風宵遁二十五日追至項家廟一帶二十六日投誠官李功懋殺傷劫賊來報二十七日各區士民咸受成龍委牌四面攻擊二十八日麻城屈知縣馳至黃岡李知縣聞報來望花山以軍需緊急當令還縣是日羣賊殺傷活擒奔竄無數二十九日晚拿獲黃金龍恐有他虞當卽梟首八月初一日差左先解赴轅門本日午時拿綁鄒君升卽斬首差高華亦解赴轅門其餘潛匿或擒解梟首或赴營投誠逐一造冊至於有功士民鄉勇名數亦應開

報已經出示曉諭禁止殺戮一槩寬宥招撫安插以彰撫
 部院好生之德俟安撫停妥查清婦女竝所獲器械領衆
 生赴轅門謁見一日差去共額法辦門本日午報會

謝誠齋奉勅諭於二十七日知事委黃金誦恐齊

職無聞詳奉聖旨以軍中諸事急當令該縣每日率

內前委州同知

知事

奉四知州

二十五日

禁止詐害示

為撫輯事照得鄒君升黃金龍既俱授首叛僕流盜一皆
 殲滅其餘一二鼠賊藏匿深山若嚴加搜尋惟恐波及無
 辜本府心甚不忍今將領兵將領生員竝所領鄉勇一併
 撤回從此止殺卽一二未盡餘孽仰鄉約鄒益倫將本府
 德意勸諭來歸亟令領見不許地方刁民藉此嚇詐就中
 受賄如有賊黨不聽勸言歸命投誠被人拿解定難姑宥

龍星夜同生員劉廣定等至望花山離賊窠不遠二十三日會佟同知等計議停當調各鄉義勇會勦二十四日生員蕭命福等鄉兵齊集二十五日生員吳之鄒等領鄉勇進山鼠賊逃至項家廟油河等處四山鄉民把守隘口奮勇堵截擒殺妖孽黃金龍賊首鄒君升竝沈潤成沈四兒沈六兒方公孝楊克利等首級二十顆卽諭禁殺招歸鄒敬先等二十一名餘黨奔竄山深林密不便追搜內多脅從仰鄉保安插歸農如係慣盜亡命之徒公舉入營爲兵以全民命以養天和撫勦已就地方已靖成龍星馳回省

復命以紓撫部院東顧之憂此一舉也黃州府同知佟世俊麻城縣知縣屈振奇黃岡縣知縣李經政會議王勦生員劉廣定董建李中素梅鈿候選千總劉先定武舉李大謀魯試貢生彭喆相與贊勦陳鎮邦密獻地理圖生員蕭命福鄭丹蕭士葵劉啓禎倡義協助鄉勇領兵生員吳之鄒貢生龔相旦武童董錫董天祿其餘鄉約區長守隘堵截不及遍開義助鄉勇食米貢生吳晉爵生員戴宗禮程士極蔡作楫自七月二十五日鄉勇進山於八月初二日撤兵歸農六日之內鄒黃二逆授首羣賊殲滅脅從安撫

竝未請兵請糧全仗撫部院恩威赫靈密授方略復蒙撫部院頒賞銀一百兩於撤兵之日從公當面給散鄉勇踴躍歡呼更可幸者殺賊數十餘而我民無一帶傷從此忠義之氣一鼓而地方可保無虞所有賊鳥鎗什物等事見在清查先將已獲鳥鎗六十桿舊弓十張舊箭八十枝令牌一箇呈繳係勦逆事情理合通報

進勦東山報張撫臺

時事多難憂心如焚陽邏楊陶二生劄付甫經出首竊幸以爲有此二生卽爲心腹地方可保無虞不料二十八日方擒賊僕而羣寇夜至坐船一隻載有馬匹南北語音兼備二十九日至周山舖此賊定入東山成龍傳諭各處鄉勇堵殺但麻城東山亦有禍端羅山周鐵爪已潛入白水畝聚集亡命多徒初二日早武舉李大謀來報一面發示招撫一面約會鄉兵勦滅且各區練長請勦殺密諭變出倉卒成龍擅專行事實出萬不得已又黃岡東山永寧鄉

鼠賊蠢動鄉約熊世忠初二日早請成龍進山相機勦撫時勢至此將若之何麻城東山有劉君孚丁奇生等可以堵敵外賊亦不敢從此路進黃岡東山望成龍甚殷若不從衆願恐致失望從賊與麻賊合夥且陽邏之寇一入禍不可支俟程鎮邦至成龍決意前往特府城空虛人心洶洶中懷憂慮又恐一入山中外寇難於照應一身進退維谷再四籌度出其不意而臨之迅雷不及事或可濟平黃兼以平麻安危之勢在此一舉耳

又上張撫臺

十一月二十八日晚之賊突然而至不知何來飄然而逝不知何往十一月初一日忽報黃岡永寧鄉有警息界連麻城東山陽邏之賊必然入夥則聲勢張大九江有重兵黃梅無事蘄州有守憲駐防畱兵百名可以無虞府城空虛已會商王協鎮回師密議布置伏乞迅諭王協鎮旋旅以資彈壓實兵家勝算也

又

本月初二日聞永寧鄉白水畝二處賊變卽同黃協把總羅登雲馬八匹銃手四名并齊安驛丞李德麻城縣候選

千總劉先定黃岡縣家丁四名前進初四日黃協把總吳之蘭領銳手五十名從蘄州至偕行進山駐扎段家店離賊窠十五里初五日黃協千總李茂昇領馬兵五十名亦從蘄州至相機進勦合就報聞

張撫臺復書

陽邏劫馬之賊業被毛遊擊追蹤擒勦擒賊十七人獲馬騾四十餘匹矣東山餘孽竊發賴親翁前往撫勦料理自能得宜府城空虛已檄令守道吳親翁赴府彈壓可無慮也凡賊初起之時或撫或勦總以急

散其黨爲主來翰所云迅雷不及事或可濟此最合機宜古人云兵聞拙速不聞巧遲政如此也昨朱守備文到劉青藜復有反叛之說恐屬未確已經密檄行查親翁可密之恐未有其事徒令已撫之人不能自安耳如有情形時望相聞前此東山一案親翁已經加級此行惟望再著招撫之功不佞自當同在事有功之人一併題敘雖親翁惟以安輯地方爲心未必以功名動念然不佞緇衣之好自不能已於懷耳併復不一

頃接來文黃土嶺須兵防守隘口已卽飛飭黃協王親翁矣附聞不一

申報進勦東山詳各憲文

照得叛逆何士榮鳩結黨羽脅制良民於本月初二日過麻城白水畷與周鐵爪等合夥蒙憲授方略迅催黃協馬兵鎗手前來成龍同羅把總候選劉千總李驛丞領官兵家丁於初四日晚駐扎段店初五日李千總領馬兵至俱報明在案初六日點集鄉勇四百名黃協把總羅登雲田武舉張尚聖先統領前赴麻城白水畷成龍會黃協千總李茂昇把總吳之蘭領馬兵烏鎗手并程鎮邦麻城候選千總劉先定驛丞李德黃岡縣家丁四名領鄉兵二百名

協同前進尚有蘄水縣士民助有鎗手未經點數委用生員鄉保不及細開仍飛檄劉君孚等進土皮沖梅鈿等進八疊山鄭丹等進平頭山童貴卿等守東義洲蕭有至等守羅田境界田毅伯毛鱗長等堵勦於黃岡廟大勢已定相機撫勦嗣容另報

申張撫臺文

本年十一月初二日卯時據麻城縣武舉李大謀飛報羅山逃賊周鐵爪潛入東山白水畝聚亡命多徒脅良謀逆地方震恐等情據此同日辰時據黃岡縣東山永寧鄉鄉約熊爾忠陳蕃約等泣報何士榮係黃岡縣永寧鄉人居石馬沖其兄何士勝曾在東山作亂投吳三桂居住長沙兄死何士榮新歸鳩結黃寅生等謀叛脅良從逆亟請親臨等情成龍恐陽邏之賊奔逸入山除另檄麻城東山劉君孚等嚴守隘口外本日未時離府同熊爾忠等行二十

里天晚駐路口村本日戌時接程鎮邦報陽邏之賊與東山無干初二日親會劉君孚守隘惟黃岡何姓造反山民驚惶麻城白水畷有英霍麻埠羣賊猖狂成龍初三日行四十五里至馬家潭點集鄉兵據段店生員張本恕稟報前月二十九日有逆賊何士榮等聚眾何家舖係逆祖居恕原奉牌有堵截之責卽督率各堡烟甲在於境內防禦并無賊黨入境今探的於本月初二日辰刻起身大旗三杆數百餘人已往黃土嶺去口稱三四日卽轉等情成龍細訊山中形勢麻城東山石人寨係麻城羅田要路三縣

交界屢反之地順治十年蕩平山賊本年題請石人寨設立千總領兵駐扎防守歷年寧謐嗣後漸弛本年春月兵弁盡撤以致鼠賊橫行略無忌憚目前何士榮過黃土嶺必與白水畷眾寇入夥合亟請發兵二百名防守黃土嶺一帶隘口無使叛賊再犯黃岡境界兼督勦麻城白水畷羣逆若官兵一至則鄉勇之氣倍壯兵貴神速成龍移黃協發兵早爲撲滅誠恐日久蔓延聚眾鴟張伏乞迅勅黃協火速委弁領兵防勦以殲叛逆以保生民以固封疆俟山賊滅息酌議於麻羅新設兵內抽二百名防石人寨庶

首尾聯絡有星羅碁布之勢矣

進勦何士榮給各區牌示

爲委用事照得何士榮作反擾害李婆墩一帶地方居民不得安生本府親臨相機撫勦大起鄉兵戮力協助必需義勇督率爾等義勇素著合行委用爲此牌仰速領鄉兵五十名前來聽候進勦但念目前收割正忙每名給代工銀一日二分先發三日工價銀三兩嗣後照日領給務擇年力精壯各執鮮利器械論功行賞口糧計名支放如有烏鎗另給銀一錢此賊不滅山中不靖爾田畝居民亦受荼毒本府爲爾百姓圖安全切勿畏縮坐視賊氛猖狂竝

望領兵齊集進勦

又

爲委用事照得何士榮作亂擾害李婆墩一帶地方居民不得安生本府親臨相機撫勦大起鄉兵戮力協助必需義勇爾其義勇素著合行委用爲此牌仰速領鄉兵前來聽候進勦務擇年力精壯各執器械聽候本府點閱給發號片號旗以憑調撥如有烏鎗匿不赴敵者報明本府卽以私藏軍器治罪或抗稱出外卽係從賊一併報明以憑拿解梟首示衆

又

諭某等知悉本府清查保甲刻日進山爾等速傳各區奉委士民整練器械沿途迎接切不可遠離汛地致有疎虞

又

諭某等各速領鄉兵三百名齊執烏鎗前來助勦以張義舉先發銀各三十兩犒賞士卒本府親駐但店竚望雲集戮力同心共除叛逆以安民心以靖地方功成之日報明撫部院題敘論功行賞切勿以鄰封膜視

又

仰羅把總統領鄉兵太平堡余君榮等四十名得勝堡高
巨卿等四十名清淨堡舒楚玉等四十名雲龍堡王克明
等四十名前往黃岡廟駐扎聽候大兵齊集相機進剿仍
會田生員密議方略務要紀律森肅號令嚴明毋得疎忽

又

諭某等知今陽邏地方有賊二百餘人於二十八日屯彼
地山頭二十九日逃入東山地界已行飛報撫部院并王
鎮臺會勦爾等當督率本區鄉勇約鄰區各長互相策應
早爲防守把截要路整備器械遠行偵探合力勦捕如肯
歸命投誠不妨爲之轉達事平之日定請 題敘獎賞諭
到星火知會勿得羈遲致使逆賊兔脫

又

爲曉諭事照得周鐵爪與譚以從等亂於羅山以從已經
安插得所鐵爪未及就撫潛入山中何士榮家住長沙被
愚人蠱惑反歸鄉蠱惑愚人曾仰何雲章何媿人勸歸雖
稱執迷不悟未必涕泣而道至於英霍麻埠之衆何苦擾
我東山此輩豈盡無父母妻子之爲累豈盡無平等生意
之可務人之無知一至於此合行曉諭爲此示諭周鐵爪

等知悉示到速宜猛省若實心歸化卽引衆來見或願回籍或願從兵聽從其便本府從無誑詞鬼神可鑒言出痛賜慎勿膜視

又

爲曉諭事照得何士榮謀叛煽惑無知逼脅良民以致人心驚惶地方不靖本府特來勦撫命方占魁傳諭何雲章何媿人速勸何士榮反邪歸正茲聞何族人等疑畏株連男婦奔竄是豈仁人父母之所爲一人有罪合族何辜果士榮傾心投誠本府哀求撫部院矜宥亦當待以不死況

原未同謀何忍一槩波及且雲章苦口良言猶彰彰在人耳乎合行曉諭爲此示仰何族人等知悉各釋疑長寧爾室家凡鄉保地方人等切不可許藉端嚇詐柳下跖未嘗累及柳下惠往古之事也鄒君升未嘗累及鄒君榮近日之事也王法天理竝行不悖未何疑畏之有至於何士榮起禍之地涇渭自別及脅從逃歸之民不止無罪且加獎賞若有出首僞劄者繳報撫部院題請優敘本府之言天日可矢鬼神可鑒切勿有懷疑畏妄自奔竄思之慎之

又

于山奏牘 卷四
爲曉諭事照得何士榮謀反煽惑無知逼脅良民地方不靖生民不安王協鎮發兵勦滅所過地方毫無驚擾今駐扎但店每兵一殮本府親發錢十文草料公平買賣支放決不累及烟民合行曉諭爲此示仰但店一帶地方居民知悉兵馬經過之處本府預行採買糧米草料鄉保人等切不可藉端科派如有此等情弊決不輕恕

又

爲曉諭事照得何士榮謀反勞爾鄉勇助我征勦紀律務期嚴明此兵法一定之例非屬苛求合行曉諭爲此示諭統領鄉兵區長人等知悉凡鄉保領兵前來駐扎寬敞之處先報區會鄉兵花名本府照區會發旗幟以別觀瞻照花名給號帖以憑識認候本府親臨點閱犒賞挨次分發各依隊伍不可紊亂至於進山真假難辨隄防務嚴凡鄉勇助勦遵報花名請旗幟號帖如無旗號卽係奸細盤獲審確立刻梟首法在必行勿等兒戲

審郵立後果首去五必行以樂其效
便烟煤雙肆芬芬諸款謝幾神收無然謂唱於收聯盤
谷對糾計不何素眉至公並山真謝讓疾聖切終端凡
芬谷餘報部以懸端結到本初歸調與國辭賞并尖公
與夫辨圖會飛其芬谷本初照圖會終與謝以限購謝
蘇於嚴其圖其人等朕悉凡嚴糾唐兵前來錫其賞端

申報張撫臺

麻城木穉河生員夏京報稱賊何士榮等初二日聚集黃
市下畝初四日至上畝汪會極家抄洗殺死閭家河曾姓
客人初四晚至殷家園擄掠初五日燒南庄金瓊蘇樓臺
初六日至黃岡廟晚至呂王城燒田生員屋共有數千餘
人現扎李王城等情又據羅田鄉民朱爾定口稱初四夜
有何士榮等分兵過羅田擄驢十三隻姦淫婦女蟻連夜
趕來報等情該成龍看得賊黨合夥殘虐生民初六日羅
把總張武舉領鄉兵前赴黃岡廟當晚任三里畝離黃岡

廟三十里初七早前進成龍同李千總已時至三里畷據
夏生員等報稱賊已到黃岡廟當發馬兵二十名偵探口
稱賊勢浩大雖不可盡信亦不可不急爲之備合行飛報
伏乞憲臺迅勅黃協鎮帶兵親臨商酌勦滅恐鄉兵膽怯
無官兵賈勇有悞大事

申報督撫兩臺

爲申報事照得麻城逆賊何士榮等作亂本月初六日成
龍會同李千總羅把總張武舉領鄉兵四百名先往黃岡
廟堵勦初七日成龍同李千總吳把總程鎮邦劉先定李
德黃岡縣家丁等帶馬步官兵百名鄉兵二百餘名行至
三里畷值麻城夏生員羅田朱鄉耆一時告急隨發吳把
總領馬兵二十名協助報明請兵在案頃刻羅把總等飛
報已抵賊營成龍同李千總等直馳二十里至營盤吳羅
二把總張武舉統馬兵鄉勇趕敗逆賊追至峻嶺深林奪

獲器械收營甫歸兵民踴躍歡呼是逆賊見馬兵而膽落
鄉勇倚馬兵而氣壯時日已暮安營布置賊尚舉火高山
頂上合亟申報

再諭黃土坳告示

爲曉諭事照得鮑世榮陳頓轍大惡叛逆何士榮合夥橫
行逼虐民生焚燬民屋神人共憤本府會同黃協統馬步
官兵并鄉保義勇進山征勦本月初七日於黃土坳輒敢
犯我先鋒兵民鼓勵一戰潰敗奔竄入山奄息待誅凡我
士民屢被脅害冤仇刻骨罔不欲寢皮食肉滅門絕戶當
此報復之會正宜會集擒滅無畱遺種或有脅從逃歸槩
宥不問合行曉諭爲此示仰麻城東山一帶士民知悉示
到速領鄉兵各路追擒務使神人之憤洩於一朝義勇之

師不煩再舉慎勿偷安致貽後患

示令報張撫臺捷書
本月初七日羅把總等領鄉兵在黃土坳將賊趕竄報明
在案初八日羣賊聚集山頭執紅黃白旗大膽前來打仗
李千總領馬步官兵殺賊無數活擒何士榮搜獲偽劄二
張偽示稿一張合先解報所有傷過吳把總并帶傷兵馬
及有功兵民俟李千總查明另報
一面報捷詳文

爲飛報大捷事
本月初七日羅把總張武舉領鄉兵至黃
土坳遇賊傳報先發吳把總領馬兵二十名接應成龍同

李千總馳至已經追散收營報明在案初八日黎明官兵
鄉勇守卡方歸忽見西山一面羣賊搖旗前來又聞東山
一面有賊夾攻羅把總領鄉勇守截東面其西山一面李
千總奮不顧身領吳把總馬步官兵百名一往向敵直至
山腰與賊對鋒羣寇退却羅把總張武舉等統鄉勇兩路
追擊趕過崇嶺四五重殺賊無算填滿山谷間有奔竄伏
入松林活擒賊首何士榮搜獲偽劄付二段偽示稿一紙
陣獲弓矢鎗砲等器暫給營兵應用所擒何士榮併偽劄
示合差解驗有功將士兵民另文申報至陣亡把總吳芝
蘭并重傷輕傷官兵鄉勇馬匹嗣容冊繳尚有周鐵爪盤
踞白水畝一帶成龍會同弁兵鄉士刻日進勦

上張撫臺

成龍初九日同李千總等行至黃岡廟係黃岡麻城羅田
三縣交界崇山峻嶺谿谷多岐真乃盜藪值羅田王知縣
領鄉兵烏鎗手會見當晚至麻城縣地方呂王城扎營背
山面河王知縣領鄉兵五百名成龍面諭其隔水堵截羅
田境界離二里河至白水畝二十里密邇賊穴本日申時
據生員夏京報稱本月初六日至三里畝接見蒙囑京督
守隘口京巡守木穉河見賊巢豎旗放銃被京趕散獲紅
旗一面據此合將進勦地名日期并紅旗解報

進屯呂王城諭各區告示

爲曉諭事照得叛逆何士榮自長沙潛歸何家堡以僞劄
蠱惑愚民本府聞報初二日進山賊已往白水畝合夥初
七日復轉至黃土坳值羅把總領馬步官兵各堡鄉勇堵
截死賊奔竄入山初八日黎明輒敢搖旗下山李將爺統
馬步兵迎至山腰衝鋒陷陣羅把總張武舉領鄉勇兩路
追擊趕賊踰山三四重殺獲無數盈於谿谷活擒四十八
人審明梟首內有李有實之子李森僕來兒其餘多係何
族叛僕惟賊首何士榮并僞劄二段僞示一張活解撫部

院轅門發落初九日本府會李將爺統兵直抵呂王城羅田王令領鄉兵五百餘人沿河扎營助戰大勢已定鼠賊難逃合行曉諭爲此示諭東山士民知悉爾等前奉密諭督會各區鄉勇今已齊集什子砦左右但四面鄉兵各有統領貴約束嚴明方調度得宜若混在一處勢不相下死賊乘興肆害或潛行逸脫不第勞而無功且貽後患不可不慮之早也示到宜各領各兵各扎一營務相和睦禁止騷擾此賊不上什子砦必走商城英霍而龜尾八疊山甌山河爲要路夏京等守把木穉河一帶鄭丹熊公飛守把

甌山河一帶梅鈿等守把八疊山一帶汪正緒等守把龜尾一帶如敢疎忽放走責有攸歸丁期生童貴卿陳益之等以及凡我士民書不能遍及者各平心公議如賊成羣合力勦滅或聞風解散各分一路挨堡追緝沿山漫嶺卽深林密菁俱務嚴搜拿獲解審良民逃難者立刻釋放仍取搜尋無賊甘結毛翊長畱軍前効力引路李大謀領兵一至卽馳赴營以便傳各處鄉兵聲息毋得怠忽各宜恪遵

興

道

未見次白水畷上張撫臺

成龍蒙恩拔授黃守謀慮地方安危竭力軍需緩急心血
嘔盡此憲臺之所洞悉也無端偽劄煽惑陽邏夜半船賊
擄掠驛馬變出意外府城空虛值陽邏驚後有兩座船晚
停江干舉動叵測人心沟沟成龍身肩重任分兵布置靜
以待動徼倖無虞初一日已有白水永寧信息憂心如焚
勉強辦事初二日黎明兩地請援理應申候憲命特慮稍
遲數日則種類蔓延事有機會刻不容緩況無將無兵收
拾鄉民猝何能集是以成龍當日激切叩稟卽同九人前

往而弁兵十二人偕行星夜催督保甲無如人心渙散呼
應不靈費盡心力而協兵適至當卽鼓勇進勦不料數日
之內賊已養成氣候黃土坳一陣若非李千總衝鋒陷堅
竟有不可言者也一戰取勝殺戮三分之一初十日抵白
水畷鄉兵接應咸云什子砦有賊無幾與千餘賊黨之報
大不相符鄉兵領委搜山地方已稱無事成龍爲事後之
慮周鐵爪竟無下落英霍麻埠之賊將歸何處是必匿遁
密籌深峒爲將來害也且本地鮑世庸陳頓徹李公茂尚
未見分曉成龍一府簿書承上接下咸屬要件再遲數日

則積委塵封欲卽回府則根株未絕死灰必至復然總之
崇山峻嶺之中人易爲非四省交界之地性貫窩惡伏惟
憲裁俾餘黨悉除而府事不悞幸甚

張撫臺復書

永寧肅清具見偉略其白水畷一帶不佞已遣發党
伊二叅將領兵前去此時定已抵山中矣但撫勦竝
用雖屬地方官愛百姓之心然賊情叵測方撫之後
又爾陸梁似難槩以姑息施之惟年親翁斟酌時宜
務將渠魁盡擒庶令南人不復再反方見綏靖之實

著耳端人特布惟留神切切正發函間適接守道吳親翁申文其中情由幸卽備覆不一

次定慧寺報張撫臺

成龍於本月初八日同協鎮李千總羅把總馬步官兵帶領鄉兵與賊山腰對敵李千總領兵活擒賊首何士榮押解申報在案初九日至呂王城係麻城縣境初十日至白水畝羣賊解散無踪十一日報石壁萬野予作反羅山周鐵爪等英霍克黨羣聚又有廣西孫延齡奸細孫麻子在內十二日成龍同李千總至定慧寺地方扎營相機勦滅茲奉嚴飭合先回報

移党伊二叅將

看得本月初八日黃岡縣永寧鄉黃土坳地方湖南長沙散僞劄叛逆何士榮領賊遍扎山頭天將黎明搖旗放砲李千總衝鋒陷陣射倒賊旗活擒賊首何士榮獲僞劄二段僞示一紙初九日早解赴守憲轉詳撫部院轅門發落訖本日入麻城境呂王城扎營初十日直抵賊穴白水畝羣賊潛匿無踪鄉兵四面搜山十一日早鄉民報石壁萬野予作反內有廣西孫延齡散僞劄叛逆孫麻子自號孫將軍羅山賊首周鐵爪卽周二黨羽并英霍亡命與黃土

坳殺散逃賊李公茂鮑世榮陳頓徹等嘯聚石壁擾害良善十二日本府同李千總統兵赴甌山河進勦駐扎定慧寺地方十三日據麻城縣稟稱撫部院發兵十二三日可到本府隨扎營定慧寺候移會堵截申報在案一面布置把守各隘口鄭丹丁奇生熊公飛等守甌山河燕子崖一帶汪公極張輝吉何升菴等守龜山口什子砦一帶田穀伯毛翊長等守八疊山一帶劉君孚余公晉夏仲昆等守百神廟一帶童貴卿陳益之等扎東義洲四面接應十四日早據麻城縣稟稱貴府十二日至縣十三日辰時進兵

本府卽刻同李千總移營黃市地方扎營什子山下本日
途中准貴府大移偵探土賊情形賊巢在於何處回覆會
勦萬野予周鐵爪等聚衆倡亂乃其實情石壁是爲賊巢
貴府大兵前進石壁賊必望風潰散由南奔竄有本府同
李千總羅把總堵殺惟東北一帶應麻城縣嚴勅鄉兵勿
使漏網復畱禍根如賊黨成羣負據山險宜令鄉民前導
官兵步兵爲營勦賊貴其敏速進兵貴其慎重貴府自有
妙算相機審變無煩本府絮言也

申報張撫臺

本月十一日報石壁萬野予作反申報在案成龍同李千
總等發兵前進十二日駐扎定慧寺訪確羅山周鐵爪黨
惡并英霍亡命又有口稱孫將軍者查係從廣西來騎一
大騾從中倡亂鮑世榮陳頓徹李公茂俱逃合夥十三日
據麻城縣稟稱憲臺發党叅將伊叅將統兵於十二三日
准到但官兵從麻城縣山路進勦尚屬寬敞徑抵萬野予
家賊必由龜峰八疊兩路奔逸成龍等應駐白水畝堵截
合就申報

案規必由龜池八疊兩嶺奔與效請幸願諷曰水烟對
非匪即官兵資和無緝山嶺並煤尚屬實靖登於萬
熱和無緝稟再
大羅發中節隔嶺廿榮刺賊始平公其財與合總十三日
惡并英聖十命又百口
蘇華發其前數十二日魏其安慧寺始將羅山周燈八
本月十一日辨否聖萬理平於又申辨其案如請同李
申辨張琳臺

募擒賊首告示

示諭士民人等知悉有能擒獻孫麻子者賞銀五十兩如
有志功名或文武生員或貢監報撫部院 題請准給至
於鮑世榮陳頓徹已為釜中之魚擒獲來獻遵前示給賞
逆產妻子李公茂陣前帶傷亟宜獻出倘有縱放恐不便
於沿路居停即賊黨擒獻准宥前罪照常人一例行賞地
方人等不得阻攔爭奪

又示

為嚴拿叛逆以絕根株以靖地方事照得鮑世榮陳頓徹

李公茂造逆縱惡脅良爲賊擾害地方民不安生與何士榮孫麻子萬野予等結連作亂本府於本月初八日擒何士榮於黃土坳伊叅府於本月十三日擒孫麻子萬野予於石壁大憖已獲惟鮑世榮李公茂陳頓徹周鐵爪四兇兇脫勢必匿於茂林深谷當此隆冬嚴寒夜必舉火定露形迹日不再食則饑必有窩主供應糧食此四賊若不殲除不惟無以消從前良善之憤氣且以留將來良善之禍根況各區仗義人人與爲仇敵賊蓄憾在心亡命結聚夜行竊盜禍所不免凡我士民久已忍冒饑寒勿憚辛苦滅此朝食一勞永逸如有親故情面互相遮隱殊不思衆怒難犯事久必洩恐不能庇賊而反自受破家亡身之害也合行曉諭嚴拿爲此示諭黃市白水畷等處士民知悉示後嚴加搜緝以除爾等後患如有窺見踪影力能擒獻者賞銀十兩來報信者賞銀五兩卽親友遞送藏匿翻然悔悟爲事後之慮或擒或報一例給賞切勿養癰自貽伊感

賞銀十兩來時計各賞銀正兩時文武盡發蘇州府
 合符銀兩拿為批示備黃市白水烟等物士民時
 鑲事人必欲恐不指其類而又自愛如家古身之害
 此牌食一受不發收其牌面立時收其牌不思

擒獲眾逆報張撫臺

十六日早劉君孚著鮑文子報稱拿獲周鐵爪鮑世榮陳
 頓轍報明在案卽刻千總李茂昇同麻城候選千總劉先
 定武舉魯試羅田武舉張尚聖前往巡緝於十八日巳時
 李千總等同生員朱愷劉青藜等護解周鐵爪鮑世榮并
 次男鮑自性長男陣斬陳頓徹等據稱周鐵爪係朱愷活
 擒賞銀十兩鮑世榮父子陳頓徹係劉青藜活擒青藜身
 帶棍傷其僕手被刃傷賞銀二十兩元克已獲地方復安
 各處守隘鄉民當行曉諭放回斬水黃岡麻城隨營鄉兵

十九日盡諭出山歸籍惟有李公茂未獲密計擒拿周鐵
爪鮑世榮陳頓徹鮑自性四犯交付李于總解赴守憲查
明轉解成龍於本月初二日擅離府治調集鄉兵身不解
衣食不下咽老病十分沉重於十九日扶病赴麻城縣會
伊党二叅將商議地方事宜至於脅從原係良民自應安
撫成龍已體憲慈曉諭槩不過問惟有鮑世榮陳頓徹萬
野予乃麻城居民自取滅亡不無嫉害親友扳誣良善一
切供詞筆札似應投之水火以彰天地之仁以安良善之
心黃麻此舉地方安危所繫憲臺妙算如神迅發大兵賊
首一鼓成擒羣鼠望風奔竄無有漏網憲臺威靈遐邇咸
懾匪類自此膽落封疆自此鞏固 朝廷之福生民之幸
也

張撫臺復書

前獲何士榮已經正法并具 題矣茲接來翰又獲
鮑世榮周鐵爪陳頓徹三賊首而麻令復報拿獲萬
孫二賊首從此山中可冀廓清矣但此番搜勦務盡
根株諸凡渠魁如孫調元史國柱等毋令遁逸其餘
脅從之衆果出無辜或可開其一面耳所拿賊首可

卽解省正法以憑具題親翁荷戈擐甲跋涉山中
賢勞頗爲繫念然以文吏而擅武略屢著奇功殊爲
欣快率此附復諸惟自愛不審矣卽此番野燧發
並世榮風燧不熱融燐三類首而和令財財拿費其
備養四士榮日舜五去其具 獸矣並對來解又
張無臺財書

禁止擄掠告示
爲禁約事照得入山進勦原以爲民鄉勇協助乃爲義舉
馬步官兵紀律森嚴夫何鄉兵縱肆鷄豚遍地血淋器皿
一炬灰燼甚之擄及耕牛大干法紀合行禁約爲此示禁

各堡統領士民鄉保人等知悉務嚴束各堡鄉兵勿擅離
營盤驚擾地方至於棹椅成器之物一槩不許燒燬敢有
故違定以軍法從事且班師回府其縱放鄉兵頭領論罪
不敘功思之慎之

禁止株連告示

爲安撫良善事照得外省漏逆孫麻子周鐵爪潛匿東山
勾連賊首何士榮鮑世榮陳頓徹等作亂擾害地方撫部
院迅發標鎮官兵由縣進勦本府親率黃協營弁及各區
鄉勇入山征討前後合擊內外夾攻生擒諸逆其餘黨惡
誅捕殆盡藪澤已清禍根已絕從此山畝內外太平安樂
共享

聖化高枕無憂目今鎮標官兵紀律嚴明分別善良秋毫不
犯爾等始知作善得福作惡得禍王法天理分毫不爽可
爲殷鑒合行出示爲此示仰士民人等知悉自今日爲始

一 繫株連牽引盡行禁絕各宜樂業安心寧爾室家修爾
田園不循謹之子弟早加訓誡必無益之交遊早行屏絕
消釋嫌疑和睦鄉里敢有借舊案挾制者告發立行重處
懷私報復者訪出卽寘極刑爾地方鄉保區長卽行曉諭
勸戒本府當分別獎勵以上報 朝廷洪恩下恤爾民困
苦也

張撫臺來書

東山之役擐甲爲勞何士榮旣擒於前僞孫將軍復
擒於後已經兩次具 題今俟周鐵爪等解至再當

彙疏題敘但渠魁既獲則脅從者自當招撫俾其
 樂業惟李公懋孫調元未可令其漏網也省兵已經
 檄撤山中善後事宜凡不佞所未及者知親翁自能
 斟酌盡善耳前煩覓鳥鎗幸為速覓即不能如數亦
 可總以速有為荷遲則恐不及耳藥弩并畱神不盡
 對以詳野清出山宜避匪爾出大深於國是哨守部
 前戰無誤叶郭縣里如官首首首來以各寺各寺寺
 四國下首首之千第早叶暗無心無益之交幾早叶
 一葉林想望用盡行禁路各宜備案文心率爾望東

上張撫臺請乞休致

本月十九日李千總領官兵旋府解活擒賊首鮑世榮父
 子周鐵爪陳頓徹四名赴守憲驗明轉解成龍即於十九
 日至麻城縣會伊党二叅將酌議地方事宜賊首咸擒東
 山復平劉青藜劉君孚擒賊殺賊赴麻城屈令獻功伊党
 二叅將塘報訖惟有李公茂在黃土坳陣前帶傷正在搜
 緝伊党二叅將於二十二日班師成龍在麻病沉已詳守
 憲請乞休致伏懇憲恩垂念勞吏桑榆暮景二豎狂逞實
 難任事俯允題請成龍生死感戴外弩弓樣式一張呈

驗有貢生鄒世美精曉弩製一并呈送又有黃安縣人伍家季來黃市招安周鐵爪時鐵爪已擒當卽發回據伍家季願招兵五十名成龍已行黃安縣批差護送伏乞牌仰黃安縣酌議徑送轅門但目前地方多事凡有護送務期先行曉諭經過地方庶不致真假混淆匪類藉以晝行百姓可以無驚矣

張撫臺復書
本親翁此行東山渠魁次第就縛從此潢池小醜自當絕影惟李公茂吳煥能孫調元須畱心密緝毋畱根

株再致萌發又所獲周鐵爪今審供係鄧少興乃鐵爪之徒非真鐵爪也似當仍令伍家季招安或設計擒縛爲囑目今正急需鎗手伍家季願招兵五十名甚好祇須黃安縣給批徑送來省可耳所送弩弓容查收鄒明經俟到當卽見之以詢弩製至親翁清操苦節綏靖地方種種勞績不佞知之甚深信之甚篤勿以昨者守道文內小嫌遂爲介介也幸勉之以慰縉切耑此不一

拿爲此示諭東山士民知悉示到速將李公茂綁獻不惟無窩匿之罪且有擒賊之功從此地方除一禍根萬民咸受安靖之福何憚而不爲此也如再遲延本府訪確賊有應得之罪自作自受而窩匿之家一并究治夫何說之辭也事不宜遲亟早擒獻以勉後悔以靖禍根

上張撫臺敘從征紳士功蹟

成龍於本月十九日至麻因李公茂未獲仰縣丞陳希堯齎示山中遍緝於二十七日活擒賊首李公茂網綁驢上行至破頭嶺老賊翻撞嶺石仍扶上驢至曹家河夜半氣絕合將賊屍解驗仰荷天威賊首無一漏網東山復靖屈令先練鄉民守隘繼請大兵勦滅復安撫脅從人心底定惟孫調元一賊確訪山中無此姓名除官兵鄉勇勦賊有功應黃麻兩縣詳報外有羅田武舉張尚聖在黃土坳與賊對敵袍袖中一鎗子勇敢爭先現今兵部催取候差似

應留憲標聽用麻城候選千總劉先定武舉魯試同黃協
李千總拿獲周鐵爪等武舉李大謀奉屈令委守隘口俱
著功績且青年弓馬嫻熟均應候用以廣羅英才渠等隨
屈令叩謁伏乞憲臺驗試齊安驛丞李德手執鐵棍膽略
過人似非驛員所可淹沒貢生吳晉爵嫻於弓馬兼精鳥
銃周維邵家養蒼頭善用鳥鎗鄒世美已考教職素習鳥
銃兼曉弩製當今用武之時以網羅人才爲上智勇兼需
若止以文字取人恐技勇之才未習詩書屈於制科不爲
國用必爲寇資如羅田陳萬齡沉靜有勇似應拔識而

兔置武夫可相繼爭售至於劉廣定蕭命福老成持重李

中素梅鈿綽有智謀貢生龔相旦武生吳之鄒歷著功績

程士極戴宗禮才德服衆黃安貢生彭喆武生葉芳蘭勤

勞王事查順治五年有遲羅部院已行往例懇憲勅黃麻兩

縣酌議舉行以勵後效程鎮邦相依入山扶病籌畫貧老

堪憐黃岡縣家丁四名真旗下精甲有願謁憲轅諸生隨

屈令前赴乞霽顏獎勵外鳥鎗一事吳把總本月初一日

齎銀回府值成龍初二日進山未及料理茲奉憲諭先呈

送上號鳥鎗十杆又有陳縣丞二十桿其餘陸續解用成

龍於二十九日離麻回府爲此具稟

張撫臺復書

接來翰知黃陂孝感之間復有餘孽萌動已密檄二
令隄防矣至東山告捷之功刻下卽當題敘親翁
可卽赴省并有功士民劉青藜等亦帶同前來以憑
賞賚鼓舞願候不盡

敘功詳文

查看得黃麻東山綿亘數百里與羅田蘄水接壤乃匪類
潛藏亡命逋逃之藪逆賊何士榮來自湖南孫將軍來自
粵西假周鐵爪來自豫省攜帶偽札煽惑鄉愚逼脅良民
聚黨倡亂十月二十九日何士榮等反於黃岡之永寧鄉
十一月初一日李公茂陳頓徹鮑世榮王子之等反於麻
城之白水畝兩處勾連一時鼎沸成龍初二日聞風飛報
憲臺請兵防禦蒙憲檄調黃協弁兵迅勦守憲駐守府城
成龍同千總李茂昇把總羅登雲吳之蘭齊安驛丞李德

卷四
候選千總劉先定武舉張尚聖黃岡家丁四名領馬步官
兵前進值守憲諭黃岡知縣李經政督生員曹洪仁等鄉
勇齊集供應糧糈初八日與賊戰於黃土坳羣賊扎營西
山李千總一騎當先羅把總張武舉兩脇夾攻羣賊敗北
殺盈山谷活擒逆首何士榮獲偽札二張解報守憲轉報
在案初九日進攻麻城之白水畷羅田知縣王光鼎生員
蕭二至等領鄉兵五百餘名把守交界隘口蘄水知縣蔣
燦委生員何翩然等領鄉兵二百名助戰鼠賊李公茂等
望風遠遁十一日聞孫將軍萬野予假周鐵爪反於麻城

之石壁李公茂等奔竄入夥勢更燎原嶺山峻嶺與白水
畷聲勢隔絕麻城知縣屈振奇因鄉勇守隘單弱危急請
兵蒙憲迅發党伊二叅將星夜領兵救援十三日入山孫
將軍萬野予一戰生擒而李公茂等又復奔逸千總李茂
昇同武舉劉先定張尚聖魯試等擒獲假周鐵爪鮑世榮
鮑自性陳頓徹并李公茂王子之解報守憲轉報在案此
役也弁兵用命士民同仇皆賴憲威赫奕特委名將用兵
神速臬守二憲聽命調度王副將兵有紀律而同知佟世
俊黃岡知縣李經政麻城知縣屈振奇殫力除逆羅田知

縣王光鼎蘄水知縣蔣燦咸資佐理若夫千總李茂昇把
總羅登雲百總涂魁凡杜保武舉張尚聖躬冒矢石齊安
驛丞李德候選千總劉先定魯試武生員劉青藜協力行
間貢士文武生員劉廣定彭喆李中素吳之鄒葉芳蘭程
鎮邦同心贊畫蕭命福龔相且鄒世美鄭丹梅鈿李大謀
曹洪仁官純恭靖天德蕭二至何翩然陶之琇何繼魯等
各領鄉兵踰山越嶺苦歷風霜戮力用命其餘練長未便
細陳至於陣亡把總吳芝蘭爲國死難忠義昭著有功
與帶傷兵丁不便備敘伏乞憲裁

張撫臺來書

始和布令五馬春生方深欣企頃見小抄親翁獲鮑
世榮等之功部議又加一級矣佳詞不獨爲辛劉遺
調自當譜入朱鷺饒歌以爲奏凱之先聲也附候不

一

嚴禁嚇詐告示

爲曉諭事照得鮑世榮等倡亂本府深入黃市領兵勦滅
已經獲解正法其餘脅從槩不追究惟有同惡叛黨恐畱
根株爲爾鄉民禍端他日報復良善反受禍殃本府保全
善類於十一月十九日離黃市時畱一密封硃帖計拿李
公茂王子之等一十九名囑汪拱極收藏與丁企生田穀
伯等密議行事此出於神人之公憤勢不容已嗣後李公
茂王子之拿解正法熊遐先當場殺死彭三俊等六名拿
解爲兵李廣宇等投見歸農不料人心不良輒起貪殘藉

端生事遍地嚇詐民不安生此豈是仁人長者之當爲此
豈是同鄉其井之忍爲生死切齒反令本府爲善不終召
憾於鬼神歛怨於百姓茲當新正諸神下降清查人間善
惡本府每夜泣禱如本府爲利傷命刻剝鄉愚忍心屠戮
株連無辜乞神速誅及其子孫但上自官長下至保練咸
藉本府爲名釀惡無窮是爾等之罪卽本府之罪本府雖
自反無愆其何能免爾等罪孽深重之累及合行曉諭爲
此示仰士民人等知悉見示之後亟行懺悔有搶擄婦女
者速還婦女有搶擄牛隻者速還牛隻有嚇詐銀錢者速
還銀錢有逼索貨物者速還貨物尚可挽回神怒苟免凶
報若執迷不悟小之得病喪軀大之闔家遭瘟絕滅子孫
不義之物仍被旁人爭奪惹得鬼哭神笑而本府亦不能
逃其連累陰司罪案昭彰勿占一時便宜不聽本府之言
三日內外定有報應速宜遵行各自懺悔不勝切禱

又示

爲曉諭事照得永寧東鉉還和三鄉素稱守法良民無端
何士榮結連釀禍雖有惡少遊手附和助逆而強半出之
脅從黃土坳一陣率子弟以攻父母天地鬼神所共切齒

因之義旗一指妖氛頓掃惡少遊手屍填山谷本府手刃四十八人以洩士民憤氣其餘脅從槩宥不究當獻囚梟首之場陳蕃若領回歸降脅從一十五人衆所耳目豈有班師凱旋復行追究往事之理至於王之仕稟稱脅從者逃匿蘄水不敢投見緣是發票逐名招徠勸諭安插并無他意今票已銷又何疑忌若羅把總開報投見脅從備案存查各安家室無懷二心目今天氣陽和萬物發生農工將動生計倍殷其從賊倖免者亟去邪返正看何士榮榜樣豈不寒心各理本業保首領以保妻子勿聽穴言東躲西藏倘再失足後悔何及爾鄉保士民人等切勿圖利恐嚇致此輩容身無地本府倘有風聞定拿重處合行曉諭爲此示諭士民人等知悉自示之後各宜遵行毋違

黃協弁兵爭功看語
看得用兵之法在乎主將命營弁出師簡授得人而士卒
爭先効命未有弁不得人而兵爭効命亦未有兵不効命
而弁克成功者也黃土坳之戰把總吳芝蘭臨陣死難回
詳守憲請蔭恤在案千總李茂昇一騎當先胸中賊銃綿
甲透孔可驗馬帶銃傷倒斃步戰殺賊踰山越嶺兵氣倍
奮活擒賊首何士榮把總羅登雲武舉張尚聖兩脇夾攻
甘勝獻何賊之衣帽腰刀功績可嘉而實李千總之義勇
膽略有以倡之也據甘勝訴稱李千總高喊要解活功否

則更斬蟻首則李千總之殺賊入營同士卒鏖戰且擒滅
有餘力號令有餘威歷歷如睹大約兵非將無以鼓厥勇
將非兵無以成厥功則甘勝奪功之訴無容深究也此役
也弁兵同心戮力咸有功勞可紀皆貴府仰體撫部院慎
重封疆至意簡用營弁得人徤丁素蓄銳氣守備朱提催
兵進山迅速一戰滅賊地方賴以寧謐生民賴以保全至
於百總涂魁凡眉角中一銃耳邊中一銃兵王可先肩膀
中一銃穿透尚未全愈其餘兵丁馬匹帶傷者甚多不及
細開若夫殺賊山谷無數擒賊獻功兵民四十八人難以
悉備本府當賞銀五十兩以酬同仇之義茲准移查合并
移明詳報

東山平定勒石銘

在黃市龍潭冲什子寨路口大石上

龜山以平龍潭以清既耕既織東方永寧

康熙十有三年十一月十九日黃州太守汾陽于成龍勒石門下士麻城李中素書丹

復張撫臺

軍務殷繁憲臺勤勞日晏不遑成龍坐享安逸惶悚殊甚黃安招撫一案催縣妥詳於初四日方賚文到府正據詳通報間值憲恩浩蕩軫念投誠家口發銀二百兩當時敘入詳內譚以從等安插縣關成龍發銀四十餘兩爲餬口之資頗稱得所而黃翠林等一百餘名又垂涕乞降救命情實悽慘拒之不忍今揣委驛官李德賚銀前往黃安買米賑濟以從等家口此官財利分明決無侵冒之弊并諭縣安置黃翠林等以仰副憲慈餘容再報不盡

張撫臺來書

黃安一案俟詳到當為題敘其譚以從等曾為安

插得所否今發去銀三百兩親翁可即為買米酌賑

毋令流離失所知定能處置得宜也貉皮餘鐵刻下

需用今特發船來裝并此附及不四十餘兩為贈

又來書

黃安一案見在具題其譚以從黃翠林等已於疏

軍務內題明安插楚省昨准制臺咨有仍令河南差官

領回之說恐非其赴楚投誠之初念似應聽從其便

庶令反側子自安已有字致制臺矣親翁可確詢譚

以從等再為通詳可也南康之警黃梅防禦宜用王

親翁往斬知親翁必有綢繆之商酌也耑勒不一

又書

黃安一案先據縣詳已批親翁處查議幸敘妥詳當

具題也飢民無告最為可憫總屬朝廷赤子何

分楚豫幸親翁即為安插得所或於十二年積穀內

動支賑濟即當於疏稿內題明可耳周鐵爪作何

勦除并煩留意五馬為所屬領袖親翁加意整刷定

有可觀其各屬地方苦情不佞已銘之座右矣附復

不妄知密哨營在蕪湖內一設門可耳風遊及非可

公啟新幸陳發哨營是林將池遊於十二平費邊

具一設水哨以無奇是為四師懸風一障致亦千

黃安一系大井線行已其陳餘國遠遊幸徐安箱

又書

蘇蘇主補其陳餘必亦陳蘇之商四也故德不一

以分若再為陳精河必南源之善黃蘇助興宜風王

無令又聞于自安日林字如陳蘇其陳餘亦四師

復張撫臺論設水師議

用兵之道審時度勢陸路以騎兵勝水路以舟師勝自湖

南失陷長江之險賊視耽耽相其機宜設立水師誠為要

務荆州重地武昌省會水師二營一題請設立可謂無遺

策矣惟蘄黃一帶上接荆鄂下扼潯吳為全楚門戶水師

不可不亟為之議然增設水師必廣招募而募一兵必增

一兵之費當國用匱乏何敢議增查道士汛一營處黃

州之下流踞蘄州之上游現設兵三百名原稱水塘或可

易為水師似不必增兵止易其名習其技便壯南北之雄

圖也如云兵寡難成營制或將蘄州已裁兵一百二十名
補入道士汰其兵四百二十名統以名將聯荆鄂而制潯
吳思患預防審時度勢之長策誠有如黃協鎮改設水師
之議允合機宜第議水師必議舟楫若復新造工費浩繁
便難舉行或將岳州新裁水師營大船議發十隻儘可足
用再查道士汰原設防江小船以濟之大小兼資聲勢自
赫守禦自固茲奉查議合悉心籌畫伏候憲裁

上張撫臺論蘄黃守禦

前九江湖口情形乃蘄營千總等員塘報十三日晚投之
王協鎮請成龍會議通報速發郁千總帶兵一百名駐扎
蘄州北關前哨偵探成龍於十四日賞書差役前往九江
府知會逆賊實跡救援機宜俟役回另報第黃梅與九江
密邇蘄州既與黃叅將密議竟不申報是視地方大事爲
戲局乞憲嚴飭十四日成龍據協移復行詳報請守憲并
江防同知未蒙憲示十五日奉憲牌備船二十隻成龍自
遵行但民船備用終非永久之計成龍欲備價公買爲緩

急之需特苦貧乏不能濟事且古有水師似宜倣而行之
黃叅將已經裁缺赴部改選王協鎮自應速往蘄州整練
兵馬黃梅空虛亦應特委專員領兵協守城池以壯聲勢
廣濟無城恐人心驚恐弁兵均應駐防今日事勢以蘄州
爲重鎮以黃梅爲藩垣龍坪武穴正用兵扼要之地布置
須周密事屬萬緊統候憲裁謹獻地里圖一紙祈察收程
鎮邦已至正資助理爲此具稟

張撫臺復書

接來翰湖口被陷在楚黃事勢以蘄州爲重鎮黃梅

爲藩垣廣濟添設駐防龍坪武穴須布置周密數言
已得其要矣吳守道佟趙二同知業已起身往蘄黃
協亦應帶兵五百名駐蘄或於麻羅二守備之中速
調一員駐黃梅再於龍坪武穴廣濟三處分防聯絡
以固疆圉總之江上之賊叛將土寇身合之衆原非
勁敵況楚有九江爲屏翰旣不可過爲張皇致民惶
懼又不可不預爲防禦致小寇燎原惟親翁斟酌情
形與道協商定以鎮靜爲安內之功以周密爲攘外
之策而已江汛無船豈能控扼不佞已具題造船

尚未准有部咨備價公買之說最爲妥協但應需船若干可速相聞以便酌量爲計九江守有回音幸卽馬上相聞其蘄州黃梅不申報情由已另檄申飭矣附復不一

上張撫臺論九江事宜

本月二十三日已具前稟適值黃梅報到合將報內情形上呈憲鑒據黃梅縣報稱最苦者地處衝煩本月初五日
至初七日江撫經過奉驛道連次差人查馬又本月十五日有正黃正白旗都統木殷二位領八旗夸蘭大下兵五千
人至停前十六日至縣下營又有李總統兵隨後就到又傳
四王爺領兵就過應接不止一次供億不止一處無名之費實難應手憂盡傷心形影自弔惟憲如父母故
敢略言之又本月初二日湖口縣被楊賊入城江西發兵

千名於初十日到九江府梅城之南九十里至清江鎮與九江連界東南八十里到斷腰與湖口連界去界三十里卽湖口縣城是以人心驚駭逃避不前所恃者大江之隔得以自存卑職孤城舉首莫策幸數日賊勢稍平人心略定但事屬隔省無塘報可據未敢聞之上憲恐發兵防駐則隔境猥孽尚未及除而此地之室廬先毀人民先逃再無殘黎何以成邑等情成龍看得禁旅南下逆賊自然聞風竄伏目前正可從容綢繆黃梅爲武黃下游門戶今據該縣稟稱恐發兵駐防則城內之廬舍人民難保萬全爲慮誠切細閱形勢湖口與斷腰近清江鎮與九江近莫若發兵駐札清江鎮守與九江聲勢相連可以大壯兵氣湖口離安慶不遠或移安徽撫憲亟發精兵駐防則三面鼎峙彼此相倚可保無虞至於清江鎮似應築兩土垣兵居其一民居其一庶兵民不致混雜統候憲裁

張撫臺復書

前見來翰具悉碩畫清江鎮自應設防與九江其壯犄角之勢安徽亦應發兵駐宿松等處三面鼎峙先已咨移江西督院及安撫矣清江應否築垣兵民分

處此在親翁就近與道協商行此時既當令兵不擾民尤當恤民量力務期斟酌情形各得其當而已又來翰所云水陸形勝不佞政復同心此不獨漆室之隱憂亦桑戶之預計也今九江已經勒部堂疏

請添設提督而河南亦復增設援勦提鎮容再咨商豫撫於汝寧光固之間或得一援勦總鎮移駐則更壯聲援耳刻下省會召募烏鎗手幸親翁畱神速募其新撫譚以從等可有能充此役之人否孫賊之信政恐未確并附復不盡

上張撫臺論兵事

守憲十七日臨黃十八日有南康之報聞郁千總領兵赴梅成龍深切心腹之憂請命守憲立刻發兵當日給散兵糧借支黃梅草銀二百兩營兵方束裝而憲命適至船隻不足李知縣帶家丁夜渡樊口十九日天明船集大小共四十隻大船給銀三錢小船給銀一錢五分文武臨江醮酒誓師頗有投石超距之勢又聞郁千總往蘄無復可慮守憲優禮相待較前迥若霄壤一應事宜守憲協鎮爲政成龍與中軍料理府事如有緊要機會亦不敢坐視緘默

六安州麻埠地方土寇倡亂與麻城東山爲鄰羅山解散
餘黨無人安插三五成羣由麻城潛入東山六安之界利
在守隘羅山之黨利在驅逐聞風已報守憲仰候布置羅
田麻城文武不睦麻城文弱武強羅田武弱文強事處兩
難調停無術九江守書到馳報船隻目前買備尚無定
局統冀憲鑒

張撫臺復書

守道赴黃聞相待甚好殊慰懷抱麻羅文武未和容
另申飭當此多事之時惟藉同寅協恭方能撫輯百

姓詎當有參商之見也羅山解散之黨極宜安插得
所頃有致親翁札已備悉之矣九江已經勒部堂疏

題奉

旨添設提督卽於在荆之雲貴二提督遴一員赴任不
日卽可抵汛從此蘄黃添一保障或可無虞耳耑復
不一

申張撫臺請增防兵議

爲請別營汛耑兵力以資守禦以固封疆事竊照黃州地方寥廓水陸兼防原設協鎮副將一員額兵八百六十名分汛黃岡黃陂麻城黃安蘄水羅田六縣昇平之日尤虞地廣兵寡盜賊竊發自滇黔告變地方多事麻城羅田已新設守備各一員募兵各三百名無庸協兵防守查千總羅登雲領兵五十名防守石人嘴把總賈思玉領兵五十名防守黃陂千總郁某領兵一百名防守陽邏府城止畱六百六十名各塘汛分防不足議撥羅田兵五十名防守

石人嘴撤兵回協分守各塘目前江右寧州告警大冶興國有震鄰之恐黃州沿江倍宜慎加巡防麻羅營兵不時聽候調遣茲聞督部院撥麻城營兵五十名駐防陽店但大冶興國與黃州一江相隔處處需兵防守以黃協一千四百之兵尚恐不足分防尤望蘄州雷將協力若調麻邑之兵前往楊店則兵勢愈分防汛愈疎況楊店係德安地方尚屬內地或德營撥兵五十名亦可以資彈壓也成龍本屬文職不宜越位譚兵但文武同城安危與其凡有關於地方者未敢坐視不言統冀憲裁

張撫臺復書

貴恙想已全安矣茲奉

王諭探信之人具稟黃州山內有吳友教者通連南逆竟有蠢動之舉但友教曩經親翁稟報久已通行查拿至今未據報獲近果作何景狀幸卽多方密探確訪的音若有踪跡迅爲密報以便遣發兵捕撲滅此獠以安內地可也至於黃協實在兵單不敷彈壓汛守親翁作何調劑或應請題撤回防通官兵少加佈置祈卽慨切具詳以憑據以核題也臨楮拳切

盡被賊劫不知去向驛道竟無隻字報聞頃來見面
詢始知而地方官并未申報何耶親翁卽速挨程密
訪要知此馬係何處賊寇所劫今劫往何處務得下
落至陽邏內地而逆賊猖狂應作何佈置併煩畱神
速爲料理并卽見復顒切顒切

又復書

兩接來翰蒿目時艱籌畫防禦同心之言已識懷抱
但方此多事之時要當以綢繆禦外侮尤在以鎮靜
安人心斯爲兩得之耳孫調元幸卽密訪毋令兎脫
此賊就擒則內地稍可安靜陳鼎業亦煩追蹤速獲
其王方遠等已令其迅回黃州聽驅策矣麻埠之警
更望畱神餘俱具悉不一

招安六安州麻埠告示

為勸諭事照得歲比不登小民失業者眾困於衣食往往
 相聚為非原其初念豈便甘心作賊不過計窮無聊希延
 旦夕耳 朝廷知爾民此苦故投誠歸命者概從寬宥分
 別獎賞各省督撫久悉此情故倡亂脅從者先事招徠不
 忍遽勦本府仰體上意俯察下情疾首痛心無非欲保爾
 民之身命洗爾等之惡名區區此誠天日可鑒前者蒲圻
 不守言者遂指為從逆大將軍震怒將加剪滅本府單騎
 入城招徠底定至今安土樂業得免誅彘次值麻邑東山

告變王勦之言一日數至本府親加撫綏各憲賞賚優隆
今茲家室豐登盡爲樂土近者羅山賊首隔省來歸本府
不以越郡爲嫌督撫不以鄰省岐視迅發銀布衣食移咨
豫撫及所在官司赦其罪愆護其田里彰彰耳目共見共
聞此寧本府別有異術不過仰仗 朝廷寬大與各憲慈
恩處置得宜能服其心耳今聞爾麻埠地方亦有亂信風
聞不的虛實未分事屬南州在本府可以膜視但念爾等
同處天壤之間誰非 朝廷赤子或爲勢豪所迫或爲饑
寒所驅或輕信亡命之徒假造僞劄轉相煽誘以致二三
無賴謂釁隙可乘富貴可望甚至謂大兵精銳進討湖南
江西可以乘間陸梁不知挾持僞劄之人卽係近省犯罪
潛逃者計無復之故假此入夥若此輩果係滇黔親信則
彼必畱爲自用安肯遠奔數千里之外其人若果有才能
亦必自戀富貴又安肯出萬死一生以試虎口卽爾等偏
信不疑亦須審度時勢試看湖南江西相持一載彼曾進
尺寸否自救不暇焉能救人目今滿兵一萬新駐九江而
四王爺李總統大軍不下數萬正從信陽過師分駐廬
鳳江州等處倘聞爾等竊發遣一旅之師關會江西湖廣

河南江南四省與爾連界郡縣會兵進勦爾等求撫不得
欲逃不能滇黔之遠水不救近火本地之親鄰盡爲敵國
黠者背約先逃愚者束手待斃眼前之妻子盡屬他人祖
遺之田產盡爲官物仇讐快意親戚悲傷垂及子孫尚爲
笑柄爾時求本府今日一紙書安可得耶如謂本府不出
實心徒以大言相恐不妨廣爲偵探商之老成以決從違
蓋好亂喜事之人常以訛言哄動爾等不察事勢轉相傳
布認假爲真至敗方知悔已何及往年爾等地方亦曾有
亂彼時首事者尚有膽識結連者尚有數郡控弦者尚有

萬人曾幾何時灰飛烟滅父老尚能言之爾等當亦目擊
則其效亦可睹矣合行出示爲此示仰麻埠士民人等知
悉或有難白之隱情切膚之痛楚以及饑寒科役仇傾勢
挾種種苦情不妨徑赴本府投訴本府一面移會爾府官
司善爲安插一面飛詳本省撫憲轉咨爾省撫憲求其寬
宥賑濟一如羅山等處事宜決不食言其有才力過人志
懷報効者本府定保舉題敘以憑錄用立賜顯榮必不
以傾心向化之誠置之空言無用之地此本府一片婆心
故不避越俎之嫌諄諄勸勉如慮本府地方區堡嚴密不

敢徑通當令二三老成隨傳示人前來先爲照會倘執迷不悟則本府與爾輩相隔數百里風馬牛不及利害俱非所關亦坐視爾等之噬臍而已思之慮之以毋負遠念至意

與吳道臺論東征方略

成龍自前月二十七夜星馳賫送僞劄後二十八日晚賊突然至陽邏不知何來飄然而逝不知何在十一月初一日忽報黃岡永寧鄉有警界連麻城東山恐陽邏之賊必然入夥則聲勢益張九江有重兵黃梅無事蘄州賴憲臺駐鎮威德宣布當自萬全止須留兵百餘以資協守府城空虛祈會商王協鎮回師與成龍密議布置更祈密授方略初一日已有稟報撫憲轅門專懇協鎮旋師用藉彈壓調度再懇憲臺迅賜臨黃封疆倚賴東南安危在此一舉

成龍惟據命入山躬彰捷伐亦可寄憲臺內顧之憂也可
勝拳切之至

張撫臺來書

援勦營鎗手向曾煩召募今一千之數未能得半目
今兵王進勦期速難以再遲茲特分頭各募幸於
所屬州縣中卽速多方善募以應急用但萬不可使
州縣奉行不善派及里下致滋公僱擾民耳

又書

程鎮邦至接來翰所云地方諸事反風滅火驅虎渡
河此正前賢已行之效我輩要當反躬修省以禳之
耳勉之勉之又近因在省標營鎗手調赴荊州所用

鳥鎗盡多帶去今新召補伍之兵需鎗應用一時難
以猝就煩親翁卽為覓買百十桿付至為荷其價幾
何開來卽當付去不云此六指事又風城火驅武

又書

陝隸本行不善瓜又里下修武公新對其

池湖四湖中四湖多沙善表以全志用四萬不可動

今兵五下難得便惠換以可與之林分而各募幸然

對陳然於上同曾湖百募今一丁之嫌朱給對半日

于山奏牘卷之四 終

